

黃蕘圃先生年譜





黃薨圃先生年譜

江標輯



中華書局

黃薨圃先生年譜

此據靈鵜閣叢書  
本排印初編各叢  
書僅有此本



黃堯圃先生像

七月二十一日海虞胡駿敏為堯翁寫鏡中影



堯翁六十三歲像原裝入魚元機  
詩思圖題詞冊中從先生後人  
寶夫借詩即乞芑香孫琴安重  
撫刊入年譜時光緒丁酉十一  
月、元和後學江標謹記

# 黃堯圃先生年譜卷上

清 元和江 編輯

乾隆二十八年癸未五月十一日先生生

十禮居題跋記卷五姚少監文集跋

先生行二

夢詩圖卷詩引墨迹

名丕烈字紹武一字紹甫又

字堯圃又曰堯夫又曰堯翁又曰老堯更號復翁復初氏宋慶一翁求古居士求古居主人讀未見

書齋主人聽擬軒主人秋清逸士止醒人見獨學人陶陶軒主復見心翁學山海居主人

先生題鈔本齋

閒老人則秀集詩注云李中麓家詞山曲海余藏詞曲甚夥名其藏弄之所曰學山海居

抱守老人長梧子知非子半知道人

以上見先生跋語中民山山民

見張蔭塘大滌山房詩集

自員嶠山人見陳氏求古精舍金石圖序後印文

佞宋主人

見徐子晉前塵夢影錄上

皆先生自號也江蘇蘇州府長洲縣籍

蘇州府志

先世居

閩之莆田其十世祖秀陸遷至江甯及曾祖琅始移居吳門再傳至君考維號耐菴以忠信直諒訓

其子弟君生有至性克承家範兄承勳出爲伯任達先生後

石鑑玉獨學廬四稿標按同治蘇州府志黃丕烈字紹武乾隆戊申舉人注銓部主事性孝友父

樞在堂。不戒於火。將及暨。不烈。擲棺大慟。誓以身殉。火竟滅。平生無聲色之好。喜藏書。購得宋刻百餘種。學士顧雍。顏其室曰百宋一廬。日夜校讐。研索訂正。警刻周禮。鄭注國語。國策。焦氏易林等書。一以宋元爲準。又道光志。不烈既卒。藏書歸長洲汪士鋐。又獨學廬四稿云。少讀書。務爲精純。發爲文章。必以六經爲根柢。嘗仿宋人春秋類對之法。摘經語集爲駢四體六之文。以類相從。巍然成編。其勸學如此。

二十九年、甲申、二歲。

三十年、乙酉、三歲。

三十一年、丙戌、四歲。

三十二年、丁亥、五歲。

三十三年、戊子、六歲。

三十四年、己丑、七歲。

三十五年、庚寅、八歲。

三十六年、辛卯、九歲。

三十七年、壬辰、十歲。



三十八年、癸巳、十一歲。  
 三十九年、甲午、十二歲。  
 四十年、乙未、十三歲。  
 四十一年、丙申、十四歲。  
 四十二年、丁酉、十五歲。  
 四十三年、戊戌、十六歲。  
 四十四年、己亥、十七歲。  
 四十五年、庚子、十八歲。  
 四十六年、辛丑、十九歲。

是年、先生以十九名入長洲縣庠。學使爲彭元瑞侍郎。

長元和三縣青衿錄。又獨學廬四稿云、年十九、補學官弟子、尋食饌。



五十年、乙巳、二十三歲。

五十一年、丙午、二十四歲。

五十二年、丁未、二十五歲。

五十三年、戊申、二十六歲。

先生是年舉江南孝廉。

蘇州府志。標按是科解元秦興季。穆大潘文勤師序士禮居題跋記。稱爲義圃解元。不知何據。標又見湯三史題先生夢詩圖卷詩注云。義圃與余同戊申榜。義圃名列第三。座師胡豫堂先生。以

大魁期許。乃禮闈數上。挑列一等。加捐主政分部。告歸。

五十四年、己酉、二十七歲。

九秋、見天下郡國利病書彙本三十四冊於張秋塘處。

士禮居藏書。跋記。凡余未見原跋。僅據此記采入者。旁注一記字。

冬、借朱氏滋蘭堂藏沈寶硯校本楊子法言李注十卷手錄之。

原校本原跋。

五十五年、庚戌、二十八歲。

秋、於文瑞樓書肆得臨陸敕先校明翻宋刻本國語六冊。

記。標按海虞詩苑小傳。陸貽典字敕先。號觀庵。自少篤嗜文典。師東澗而友鍾吟。又按敕先。常熟人。



小春下弦後二日，借滋蘭堂惠松崖校本大戴禮記，過臨畢，跋之。長至日，又取盧本覆校再跋。

記。標按

錢大昕惠先生棟傳，字定字，號松崖，士奇次子，初爲吳江學生員，改歸元和籍，自幼篤志向學，家多藏書，日夜誦讀雅愛典籍，得一善本，傾囊弗惜，或借讀手鈔，校勘精審，於古書之真偽瞭然若辨黑白。

臘月望前，從同年蔣賓嵎得山東孔氏校刊本國語，以新借同郡滋蘭堂朱秋崖臨校惠松崖校本傳錄于上，又以前得陸校本參互之，并題三跋。

記。標按朱秋崖名邦衡，姪文游，名煥，藏書處曰滋蘭堂，國朝漢學師承記，余古農先生傳，吳縣朱丈文游藏書之富，甲於吳門，延先生

教讀，館于滋蘭堂中，得偏讀四部書。

五十六年辛亥二十九歲。

得叢書堂鈔本孟子注疏解經。

原跋。

春季校說文，後以所藏臨陸敕先校本國語，易五柳居主人陶蘊輝唐六典。

記。標按南澗文集上卷，琉璃廠書肆記云，五柳居陶氏

在路北，近來始開，而舊書頗多，與文粹堂皆每年購書於蘇州，載船而來，五柳多瑣川吳氏藏書，書肆中曉事者，五柳之陶，文粹之謝，又按蘊輝名珠琳，原籍烏程，移家吳門，孫淵如五松閣文彙，曾爲蘊輝父正祥作傳，正祥字廷學，讀書爲業，與吳中名下士交接。

於書能知

宋元佳本

三月下澣一日，鐙下，覆勘陸校本國語，并跋記。

十一月二十八日，跋新得宋賓王校鈔本吳郡文粹，屬同年沈書山書之。

標按蔣光煦東湖叢記上開遠金石契言敘知交七十七人中。

言宋爵如名賓王，起家市井，性嗜奇書，無力購奉，則百方丐鈔，惟以搜羅遺佚，訪求放失爲事。又按賓王，太倉人。

五十七年壬子，三十歲。

春仲，假得錢磬室校刊吳地記吳郡圖經二書，以吳瑄所刻古今逸史中吳地記校訖，又從同年沈

書山借得吳郡圖經續記，以錢本臨校一過，卽跋於沈書後。

士禮居題跋記續，凡未見原跋，據此采入者，書記續二字。

秋，以數十金得天下郡國利病書彙本跋記，屬同年沈書山書之。

莫秋，得滋蘭堂惠校大戴禮記十三卷，因跋庚戌年所臨校本後。

九月四日，重裝去年所得孟子注疏解經成跋記。

原跋。



十月先生以十卷本鈞礎文集假於錢竹汀先生錢有跋見潛齋堂文集卷三十一

標按潛齋先生在吳時與先生往還頗密

竹汀日記鈔每云借黃義

圃某書云云屢見者也

十一月得宋刻大戴記以惠校本歸顧抱冲

記標按顧千里撫本禮記鄭注考異序往者家從兄抱冲收善本經籍將次第刊行不及而沒兄名之達元和廩貢生沒於丁巳春年四十

五藏書處  
名小讀書堆

仲冬從朱秋崖借得惠松崖校經典釋文記

仲冬跋校本經典釋文并過臨惠松崖手校本記

五十八年癸丑三十一歲

秋從東城顧氏借殘宋本禮記鄭注記

秋孟跋校宋本禮記鄭注記

冬季得宋景祐本後漢書

蔣光煦東湖叢記卷五

十二月七日鈕匪石至先生家觀惠校後漢書補逸

匪石日記

五十九年甲寅三十二歲

是年丁外艱

校老學庵筆記原跋云余自甲寅後連丁大故天災人事困苦身心

標按當在六月前因是月火先生父樞停家中見蘇州府志又按殘宋本普濟方跋略

得崑山葉文莊六世孫九來舊藏舊鈔本隸釋

思適齋集卷八代義圃隸釋刊誤序

夏得舊鈔本劉後村集

記續

四月朔跋新得鈔本古唐類範一百六十卷

記續

四月十日跋所得明刻本高季迪缶鳴集

記

四月十六日匪石至先生處觀王育說文五音韻譜說

匪石日記

四月二十五日。匪石至先生家。觀宋刻列女傳。日記。

五月夏至日。跋宋槧本中興館閣錄。記。

五月十四日。匪石至先生家。觀顧亭林原稿郡國利病書鈔本。北堂書鈔。竹垞藏。宋本唐文粹。趙氏殘

宋本杜詩。又在坐中。見書賈攜來王復齋鐘鼎款識原本。匪石日記。

秋。先生同年蔣賓嶠。以宋本孟東野集贈先生。記。

七月十九日。匪石至先生家。觀影鈔天聖七年國語。末有義門跋。二宋本小字左傳。不附釋文。刻極精。每葉廿八行。行廿三字。闕八卷。又大字本。亦不附釋文。同有殘闕。毛影元鈔隸續宋本東家雜記。略有蠹損。又先生與匪石云。得鈔本讀書敏求記。匪石日記。

廿二日。又至先生家。觀鈔本廣雅方言。錢叔寶以宋本校合刻李杜集。北宋本鄭注儀禮。又細觀大小字不全宋本左傳注。匪石日記。

九月初一日。匪石至先生家。觀鈔本元祕書監志。明初本姚光孝逃虛子集。又至顧千里館中。按。是時。千里館。

先生見所校潛夫論越絕書。匪石日記。

九月十二日。匪石至先生家。觀北宋本孟東野集。又觀鈔本虞道淵類篇。匪石日記。按。篇當棄字之誤。

九月二十八日。匪石至先生家。觀周漪塘藏影宋鈔隸釋。舊鈔本太平寰宇記。匪石日記。

十月十三日。匪石至先生家。觀元板大字黃氏日鈔。淡生堂鈔本隆平集。舊刊本林和靖集。匪石日記。

六十年乙卯。三十三歲。

春。從同榜蔣賓嵎得天順本柳文肅公集。續記。

三月朔日。跋新得王聞遠家舊鈔月屋漫堂記。

三月。於馬鋪橋周蕓嚴家。借得騎龍巷顧氏鈔本靈臺祕苑。卽校于舊藏明鈔本上。跋記。記。

夏日。先生以繼得影寫明道本國語。屬顧澗蓼校舊藏校宋本上。溯蓼有記。記。

閏月借顧淵蘋傳錄何校本宋本新序臨寫一過跋之。

四月望日又跋。

記。標按養一齋文集顧淵蘋墓志銘先生名廣圻字千里以字行號淵蘋。姓顧名廣圻元和縣學生喜校書皆有依據深有取於邢子才日思讀書更是一適語以之自號。

閏月七日匪石至先生家見舊鈔方輿紀要南宋大字本後漢書殘本。

匪石日記。

四月初一日訪顧抱冲家觀何校本新序。

夏得元刻元統元年進士題名錄索錢竹汀先生跋之。

記。標按錢跋在重五日夏至重加裝治并自跋。

四月跋舊鈔汪水雲詩。

記。

四月十四日見太倉王氏所藏宋本新序十卷以賈巨還之。

記。

四月廿八日匪石至先生家見劉平水新韻宋本新序。

匪石日記。

端陽前二日於書友吳東亭處見新鈔本靈臺祕苑又校明鈔本再跋。

記。

重五日夏至錢竹汀爲先生跋元刻元統元年進士題名錄。

記。

五月十四日，匪石至先生家，見宋本左傳集注、附釋文、缺三本。又觀宋本朱子易學啓蒙。

匪石日記

六月四日，跋新從郡中賜書樓蔣氏得宋刻本三謝詩一卷，每頁白金二錢。記。

六月中澣日，以千錢得舊鈔汪水雲詩跋之。記。

六月二十日夜，先生大夫人房中失火，延及先生臥室，器用財賄皆空。所藏書籍獨存，越二日，從書

友胡益謙得宋本北山小集四十卷跋之。記。

標按先生得是書，繪續得書圖，名是曰蝸廬松竹，詳見原跋。

秋仲，以千錢得鈔本回疆志。

記續書經補遺跋。

八月，跋顧淵養以影明道本國語校舊藏校宋本。記。

八月十日，從書友鄭輔義得鈔本柳待制文集二十卷、附錄一卷、跋之。續。記。

冬，以八十餘金得四月中所見太倉王氏藏宋本新序及北宋小字本列子。記。

十一月下澣四日，以青蚨八百得元鈔本書經補遺。記。

續。記。

十一月二十五日。匪石至先生家。見周漪塘所藏影宋鈔荀子。又惠松崖手校荀子。匪石日記

十一月晦日。至郡廟前五柳書居。得鈔本鉅鹿東觀集。借顧抱冲所藏宋本勘之。

冬至後六日。跋新從五柳書屋主人陶蘊輝處得滋蘭堂校本楊子法言李注十卷。跋之。即己酉冬。

借鈔之原本也。原跋。標按原跋云。題于養恬書屋之北窗。

十二月中浣三日。跋顧抱冲所藏宋刻鈔配本鉅鹿東觀集。記。

十二月廿五日。匪石至先生家。見宋本列子文中子。每半頁十四行。殘本白香山文集。施顧注蘇詩。

匪石日記。

十二月。於華陽橋顧聽玉家。以五十金。得宋本吳郡圖經續記。醉司命曰跋之。標按跋末題。書於讀

生居。常在昭明巷老屋。然校本夢華錄跋。有道光癸未仲春。美鏐敬臨於讀。未見書齋之西軒。其時先生之居。已遷矣。豈猶仍舊名耶。前見潘瘦羊言昭明巷。先生舊居。尙存。猶爲黃氏後人所居。或美鏐當日未與先生同住。橋巷亦未可定。又宋本咸淳臨安志跋。庚申五月朔。坐雨。讀未見書齋。書此。按其時。先生居尙在王洗馬巷。豈三處皆有此齋名乎。

秋、校明鈔本西溪叢話、初校復校兩跋之中、秋前一日、三跋、後三日、四跋、五跋、二十六日、六跋、季冬月二十六日、七跋、并題兩絕句、記。

嘉慶元年、丙辰、三十四歲、

元旦、跋新得宋本列子、記。

是年、以校本博雅、借高郵宋定之、以助王懷祖先生校勘之用也、

記。標按楊夫未定、有題宋本唐文粹云、

慨然借我、損其匣而勿之惜也、又曰、藝翁以不肯借書、見譽同好、然余無一賴之送、枉蒙破例、有足感者、題其後而歸之、標因先生

標按阮文達王石鵬先生墓志銘、先生

歟語中、借人書事極多、而借與人者、惟此一條、茲故錄揚夫語、可見先生不肯借書之據、

又長於校讎、凡經史子書、晉唐宋以來、

百義之晦誤、寫校之妄改、皆一一正之、

以去歲所借顧淵蘋校老學庵筆記、至正月初九日、傳錄畢、跋記、中泠一日、又跋、

原跋。

春、觀書於華陽橋顧聽玉家、得舊鈔本大金集禮、復向周香嚴借金鈔本勘之、

記。標按周香嚴、名錫璜、又號仲連、愛日精廬藏書

志、徐鉉文集、有周跋曰、香嚴居士周仲錫璜、東湖叢記段懋堂手校集韻跋云、汲古閣鈔本、從周君澆塘借鈔、周君學問淹雅、又復能作荊州之借、流布善本於天地間、藝翁跋語中有云、香嚴住馬鋪橋、藏書處名水月亭、識古書、爲吾儕巨擘、又殘宋本姚少



監文集跋略云。香嚴藏書家多祕本。先余數十年而收藏者。標又按香嚴名曰澣。余舊藏香嚴書屋鈔本琴清閣書目。有印曰周曰澣。澣塘氏。據愛日齋廬東湖叢記語。是卽一人而二名字。當曰澣之名在前。錫璫之名在後也。

正月上元日。借顧抱冲宋刻本孫可之文集。校毛刻本畢。跋宋本上。記續。按此本後歸藝芸主人丁亥顧澣堂跋之。

正月元夕前一日。跋新校宋本孫可之文集。記。

得宋本歷代紀年十卷。清明前三日跋。記。標按跋末云。書於故居之養恬軒。

孟陬下澣。以青蚨三星。從學餘書林。得明刻本文溫州集。二月八日跋之。記續。

三月七日。從周香嚴手。得明藍印銅活字本墨子跋。記。

五月。遷居王洗馬巷新居。書室名小千頃堂。舊居在昭明巷。有養恬書屋。記。標按宋本歷代紀年跋末云。嘉慶元年清明前三日。書於故居。

之養恬軒。元旦跋宋本列子。又曰養恬書屋。當一屋而二名也。

六月一日。匪石至先生家。見影宋鈔荀子。有缺頁。又宋本淮南子金本本草。匪石日記。

六月。中澣二日。跋舊鈔本大金集禮。記。

六月望日重裝宋本新序成跋記。

八月以重價得馮賓伯陸敕先手校文選六十卷顧澗蘋借周薌嚴藏殘宋尤槧本爲之補校。

張月符藏

書續志卷四。標按海虞詩苑小傳馮處士武字賓伯號簡絲默庵鈍吟兩先生之姪也。又爲毛潛在館甥。

九月跋錢遵王藏鈔本漢天師世家。

記。標按跋末記云。書于王洗馬巷新居。

十月望前二日借周香嚴所藏宋六卷本姚少監文集手校畢卽跋於校本上記。

冬借顧抱冲所藏殘宋本說苑校程榮本顧本缺八至十三復假周香嚴所藏錢遵王手校宋本補完至二年丁巳五月竣記。

冬至前四日跋宋本曾稽三賦。

檀書  
碑錄

十一月十六日匪石至先生家觀宋十行本穀梁注疏影宋鈔謝宣城詩集舊鈔方言皆顧五癡家藏及其書目一冊內有鈔本急就篇商子京房易傳隸釋樊川集

匪石  
日記

十二月二十日。顧澗蘋爲跋八月中所得馮陸校本文選。蓋補校初畢也。張月霄藏書志卷四。  
二年丁巳三十五歲。

孟春。見張秋塘所藏俞立庵手鈔元龔璠存悔齋詩一冊。仲春社日。以六金得之。跋於讀未見書齋。

存悔齋詩原跋。按張秋塘名□□爲張青夫後人。見先生跋語中。俞初名楨。字貞木。後以字行。種學續文。躬秉特操。仕終都昌縣丞。以清節顯。見張米庵此書原跋。

二月望日。先生以吳都文粹贈程易疇。并跋。記續。按跋略云。欽程易疇先生。今之老宿也。向爲嘉定廣文。後辭官。余去夏移居王洗馬巷。思以舊宅學耕堂扁其新廬。欲得先生書之。今

茲二月十日。介錢竹汀先生爲先容。偕澗蘋往謁。拜求橡筆。蒙下訪。以自製墨二挺爲贈。余因卽取案頭吳都文粹四冊報之。

夏。見宋刊本溫國文正司馬公文集八十卷。八月以六十金得之。跋後。記。

五月二十三日。跋校宋本說苑。記。

五月二十四日。跋明刊本南部新書。記。

六月十一日。跋新校舊鈔本耕學齋詩集。記。

閏六月朔日，以新得明刻林和靖先生詩集，用舊藏顧云美手鈔本校畢，跋之。

標按元和縣顧者，字云美，潛心篆隸，凡金石牌版及

鼎彝刀尺款識，魚料斗之書，皆能誦之。

後三日，又從顧抱冲弟東京，借得抱冲舊藏殘宋本，竭一日之力校畢，再跋。

標按先生校舊鈔本

顧史跋云：城南小讀書堆，余故友顧抱冲藏書齋名也。抱冲歿在嘉慶之丁巳，此云從抱冲弟東京借得，當抱冲已去世矣。

又屬顧淵蘋用舊紙摹殘宋本，季秋月四日畢，跋之。重陽後三日，又跋宋刻殘本後，記。

閏六月八日，天晴，曝書，與西席顧淵蘋夏方米同觀乙卯夏所得宋本北山小集，再跋之。

標按夏方米，名文義。

舉人張船山詩中有題夏方米孝廉借石小照，劉履芬旅窗懷舊詩自注：吳縣夏方米，文義學正，少以習歷算得狂疾，陳曼生嘗借石寫照，贈之最精輿地之學，著述哀然。

標按北山集跋末詩云：時在王洗馬巷新宅之十禮居。

秋，借貞節居袁氏鈔本隸釋，補甲寅年所得葉本之闕，後借周香嚴家隆慶四年錢氏鈔本勘正。

原跋

標按：同治蘇州府志：袁廷樞，史名廷壽，字又愷，國學生，六歲而孤，生母韓教之成立，家有竹柏樓，韓所居也。家饒於貲，遺書萬卷，蒲褐山房詩話，又愷六俊之後，嗜風雅，好友朋，又得王國齡小停雲館，楓橋水西來繞其前，中有漁隱小圃，有貞節堂，竹柏樓，紅

蕙山房，楓江草堂，吟暉亭，五硯樓等十六景。江藩國朝漢學師承記：袁上舍叢書萬卷，皆宋槧，元刻，鈔笈精鈔，以及法書名畫，金石牌版，貯於五硯樓中。

秋日、跋新得明刻本潮溪先生捫蝨新話。記。

九月十一日、匪石至先生家、見舊鈔本虞道園翰林珠玉。匪石日記。

秋九月、中澣二日、跋顧抱冲舊贈鈔本二百名家賢文粹世次。勞格讀書雜志卷十二。

丙辰年、得影宋鈔景定建康志殘本九冊、假抱冲藏本補鈔、至丁巳冬竣事、以卷中闕葉、屬澗蘋補

寫并跋、又自跋之。張月符藏書志卷十六。

冬、以翻宋三禮歸他人、中禮記、係惠松崖校本。記。

冬日、以宋本北山小集示錢竹汀、錢有跋。潛擘堂文集卷三十一。

十月初五日、跋新得宋刻元人補鈔本湘山野錄。記。

十一月二日、汪本隸釋刊誤成序記。原序、標按先生序中有云、爰借顧子千里、訂諸本之異同、摘記千有餘條、刊其誤、遂刻以貽留心東漢文字者云云、按原書有顧澗蘋跋、無年月。

冬十一月十七日、跋新得宋本渭南文集。記續、按全書五十卷、估值白銀四五十兩。

十一月三日冬至前一夕。跋十月十九日新得舊鈔抱樸子內外篇。記。

廿一日刊誤後序成。原序。

嘉平月八日。錢竹汀先生爲先生跋汪本隸釋刊誤。原跋。

季冬中澣一日。跋曹彬侯鈔本琴川志。記。  
標按曹彬侯名炎。常熟人。海虞詩苑。有孫瑛市肆書歌一首。曹彬侯作也。

殘臘得舊鈔本紹興十八年同年小錄。記。

三年戊午三十六歲。

是年顧澗蘋爲先生校景祐本漢書於讀未見書齋。記。

得元刻幽蘭居士東京夢華錄。記。

顧南雅以毛斧季校本湘山野錄歸先生。記。

覆校周香嚴校影宋本輿地廣記。記。

正月三日。段懋堂先生爲先生序汪本隸釋刊誤。原序。

春三月得金星韜家藏刻本雲谿友議缺中卷跋之。記續按金星韜是金心山之大父。

三月六日跋舊鈔紹興同年小錄。記。

三月下澣七日惠氏校宋本禮記鄭注復歸先生再跋之。記。

初秋陶五柳主人以先生舊爲李作梅跋舊鈔本葛公歸愚集求售先生得之再跋於後。記。標按宋本三謝詩跋

曰近時大興朱竹君曾得宋刻謄爲希有舉以告五柳居陶君廷學曰此宣城本也余從廷學于蘊輝得是言

秋七月跋新得殘宋刻本豫章黃先生外集六卷。記續

秋八月二十八日跋影宋鈔本刻錄。記續按別有跋不載年月玩文在此跋後

九月得宋本咸淳臨安志九十三卷季冬月中澣八日跋。記。

九月重陽前三日以白金三十兩有奇易得元刊本吳禮部文集二十卷跋之。記。

十一月望日冬至借周香嚴新得舊鈔本學言稟上冊以乙卯年所得明刻半軒集校勘畢跋之。記。

十二月望日得宋刻高誘註戰國策是日先生偕鮑淥飲袁綬陪瞿木夫同集鈕匪石寓樓匪石作

詩紀之索同人題和

瞿中溶古泉山館詩集標按瞿次匪石韻詩曰士禮居中客原注堯圃得儀禮宋板注疏各一本因以士禮顏其齋同登文選樓奇書欣得賞老蠹見應愁兩蚌蟄新刻原注毛斧季出售書日有

印宋鈔高注戰國策跋云其中如今日不雨明日不雨與蚌字爲韻今本皆誤兩爲雨雙簽合舊收原注堯圃傳於京邸得牙籤一對上鐫宋板戰國策消寒宜雅集竹素趁恩游昭代名人尺牘小傳鮑廷博字以文號淥飲飲縣人諸生家錢塘藏書甲浙右校刊書籍亞於汲古閣刻知不足齋叢書二十八集嘉慶十八年欽賜舉人年已八十六逾年卒原注爲潛學老人壻與先生時有往還士禮居叢書題首半出渠筆也瞿古泉山館詩及先生事甚多前塵夢影錄卷上瞿木夫中溶嘉定名士錢竹汀宮詹女夫官楚湘藩幕適開湖南通志局金石一門木翁獨任排纂工竣抽印百餘部攜歸又著古官印攷及吳都文粹續編國朝漢學師承記非石名樹玉吳縣人家洞庭山隱於賈無書不讀

十一月十五日匪石日記曰黃堯圃來購得南宋本戰國策首闕二葉末闕一葉黃君云昔在京師得牙籤一對上刻宋本國策今此書適出竟符夙願

十一月二十二日匪石至先生家觀宋人畫冊一有徽宗御書憚南田小幅畫冊一皆經訓堂物

記。日

四年己未三十七歲

匪石



是年以白金七兩。

見東坡樂府跋。

得元刻十二卷本稼軒長短句。因缺三葉。出舊藏毛鈔本。屬泐蘋檢卷中。

所有之字集補之。所闕者僅十許字。重裝手跋。又屬泐蘋跋之。又泐蘋於玉峯爲先生收得元刻丁鶴年集。明人葉德榮手鈔法帖刊誤。翻宋本圖畫見聞志。記。

正月下澣。跋新得殘明本楊文懿公集。記。

二月。花朝後一日。跋影宋梁谿高氏本高注戰國策。記。

二月十九日。得宋刊殘本孫真人千金方。清明前五日。跋二十六日。洞庭鈕匪石楓橋袁綬陪訪先生。出新得宋本千金方。相約以詩紀事。用孫字禁押本事時。同觀者有西賓夏方米。先生成五律四首於後。記。標按古泉山館集中亦有和詩四首。

二月廿六日。匪石至士禮居。見宋本千金方。又史癡翁書畫兩冊。匪石日記。

暮春月下澣六日。重裝明六卷補鈔十四卷始豐臺成。錄得書時舊跋於第六卷刻本後。又跋於第十四卷鈔本後。原書跋。

孟夏五日。跋新從顧澗蘋得元本丁鶴年集後。并和澗蘋題詩。又索夏方米和之。均書之副葉。記。

四月二十二日。訪周香嚴。香嚴贈殘宋本圖畫見聞志。卽配先生元鈔本後。記。

夏五月。以野客叢書。從顧澗蘋易傳錄陸勅先校本陸游南唐書。中泚九日跋。記。

五月。孫淵如借先生校何本新序。有題跋見新序上。記。

五月。跋元鈔宋刻合裝圖畫見聞志。記。

中夏月下泚一日。跋新從郡中錢聞起處得元刻小字本白虎通。記。標接原跋云。

秋孟中元。得宋刻本聖宋文選。越二日跋。記。

中秋。跋新得嘉靖本文心雕龍。記。

冬十月既望。跋新得宋刻本愧鄉錄。記。

十月十九日。錢竹汀爲先生跋鈔本不得已。記。

十月二十七日。撰明道本國語札記成。序之。國語原序。

十一月。得明嘉靖本齊乘跋。記。

十一月既望。跋鈔本不得已。

記。標按此跋末語云。書於聯吟西館。館係先生所居。當在王洗馬巷。

十一月既望。重裝丁巳年所得司馬公文集成。再跋之。

記。標按跋中有云。裝潢之費。倍於得價。

十一月晦日。跋新得王蓮涇藏明刻本宋紀受終考。

原跋。

十二月八日。跋舊刻本唐漫文集。

記。

五年。庚申。三十八歲。

得宋本新定續志十卷。

記。

春。從吳兔牀借影宋鈔咸淳臨安志六十五六十六二卷。屬湖蘋傳錄。

記。標按湖海詩傳小傳。吳審。字齊客。海甯人。諸生。有拜經樓詩集。蒲

褐山房詩話。吳槎客所著。國山碑攷。極爲精核。又喜搜羅宋元刻本。如陶淵明謝元暉諸集。皆取而重刻之。

正月十日。再跋嘉靖本齊乘。

記。

春中。從昭文同年。借明崇禎時所刻經緯集。卽以丙辰年所校孫可之文集校之。再跋。

記。標按昭文同年。疑指張子

和楚先生永嘉四靈詩跋。昭文同年張子和藏書也。又明秀集詩云。琉璃廠裏兩書浮。義友義翁是素心。蓋張一字義友。

三月三日。以錢十四緡。得金本中州集跋之。記。

屬同邑李福。影書明道本國語刊成。三月十二日。竹汀先生序之。三月。段茂堂先生又序之。刻國語原序。

三月晦。先生招汪潛雲賞牡丹。分韻賦詩。潛雲得以字。潛雲詩鈔卷三。

夏。爲錢竹汀訂補元史藝文志。記。

閏四月。芒種後三日。輯所見古書錄。記。

閏四月。芒種後三日。跋元刻幽蘭居士東京夢華錄。記。

芒種後三日。雨窗跋新定續志。記。

閏四月望。以六金。得鈔本鐵崖先生詩集。跋。同日。見金刻中州集。借補三月中所得之缺失。再跋之。

適命工重裝畢。十七日。三跋。記。

五月朔。二跋宋本咸淳臨安志。記。標按古泉山館詩集。有爲先生詠宋刻咸淳臨安志得杭字次先生韻五律一首。

秋得元刊本趙松雪行狀以舊藏元刊本松雪文集中行狀手勘正其誤字即跋於集後記

九月小晦日跋新得殘元本四書叢說記

九月晦日以影宋鈔本鮑氏集與袁綬陪易宋鈔乾道臨安志三卷并跋於鮑氏集後記

冬跋皇山人姚咨手影宋本續譚助五卷記  
標按明詩綜小傳姚咨字舜咨無錫人有潛坤集常熟縣氏書目記咨字舜咨亦號皇象山人無錫人

十月刊汲古閣珍藏祕本書目成

原書業首本記

冬季十有二日借張子和藏黑口板天順本丹崖集校舊藏鈔本跋之記

六年辛酉三十九歲

是年先生入都晤王伯申記

由舉人挑一等以知縣用籤發直隸先生不欲就納貲議敘得六部主事旋歸里

獨學廬四稿

作藝圃雅集詩畫冊

標按潘勗之先生遼西園集卷六有題詩序云吾鄉黃義圃先生舉孝廉當得縣令不就茲義圃於王洸馬巷是冊爲嘉慶辛酉同人醵詠之作會者六人南昌萬廉山承紀休甯汪澣雲梅鼎璣定碧木

夫中潯同里袁憲階廷樞李子仙福及主人黃義圃丕烈也澣雲畫老樸臥柏廉山畫紅椒秋菊木夫畫芙蓉雞冠六人皆有詩道光癸未剛已易主義圃更爲跋語志先生聚散之迹越今六十年冊爲樊康夫重熙所收出以題題冊後有石梅孫渠題跋云

陶先生耽于詩，輿會所至，輒成圖畫。百宋一廬中，累累數十冊。此其一也。予向見陶詩摘句圖，先生自紀一生事跡工細，白描人物，數日畫一幅，累月而成，惜不記作者之名。又宋槧本魚元機集，余秋室學士繪女冠象，并其首題詠數十家二冊，其最著者。又有繪書圖，余秋室學古錄，題黃孝廉繪書圖詩云：一室幽閒寄市橋，市聲雜沓似春潮。豈知兀坐虛堂者，日對丹鉛不厭勞。獨於遺冊恣幽尋，別有酸醜遠俗心。東觀異時添著錄，精嚴應好小雲林。注黃長睿號雲林，輜重何須薄笨車，縹緲都付小奚奴。移居圖好，無人畫，空寫仙翁賦子虛。奔奔牙籤千頃堂，絳雲樓後好儲藏。代興留得宗風在，善本都從手校將。又按汪辭雲詩鈔卷四曰：讀未見書齋主人遯萬康山李子仙聖木夫袁壽階及予同集分韻得野菊五律一首。

得郡中青芝山堂所儲鈔本靖康孤臣泣血錄，以明刊本校之。

記。標按先生桂林風土記跋云：余此本郡先輩張青芝先生手鈔，卷端鈐張位小印，即其祖

名也。書法工秀，讀書者之藏書，斯爲善矣。又按吳雲義門先生集跋：余友翁叔均搜羅二十年，得其門人張位字青芝者所輯詩文一冊，則青芝義門弟子也。

得宋本梅花喜神譜於琉璃廠。

記。標按先生是年春入都，五月杪歸里，見先生跋語中。

錢竹汀先生以殘元本陳衆仲文集七卷，又明翻元刻本全集同贈先生，記。

二月中旬，從琉璃廠文粹堂得宋本梅花喜神譜二卷。

記。按先生跋云：辛酉春，計偕北行，與同邑顧南雅夏方米同伴，嘉定墨木夫于將行，日畫梅以贈。余裝潢成冊，

旣而海甯陳仲魚來附舟，行至楓橋，袁穀階載酒送別，并折庭梅花爲探花兆，因以聊贈一枝春分韻賦詩，至揚州，于風雪中，南雅畫梅幅，其一卽取穀階贈梅之意，俱寫于木夫冊上。同人相與題詠，旣得喜神譜，重約同行四人題詠，余得七言絕句一章云云。

三月爲錢竹汀先生刊元史藝文志成。竹汀居士年譜。標按志。

爲顧南雅先生寫樣。

夏從書坊觀汪氏開萬卷樓書。見鈔本劉夢得文集四集四冊。攜歸校於明刻中山集上。校畢跋後。

記。標按。

夏或作秋。

五月五日庚辰。錢竹汀爲先生跋元本祖庭廣記。記。

夏五月自都門歸。得何夢華所藏曲阜孔氏藏本元板孔氏祖庭廣記五冊。記。

標按湖海詩傳小傳。何元錫字夢華。錢塘人。監生。候補主

簿。先生跋祖庭廣記曰。余自都門歸錢塘。何夢華亦自山東曲阜攜眷屬僑寓於吳中。何固孔氏增也。其隨贈中有元板孔氏祖庭廣記五冊。裝潢古雅。籤題似元人書。

五月杪以京板佩文韻府并銀十四兩。易得宋本孟浩然集錢杲之離騷集傳雲莊四六餘話影宋

鈔岳板孝經呂夏卿唐書直筆新例五種。記。

六月初七日跋宋本梅花喜神譜。記。

續。

夏六月望前一日跋宋刻甲乙集十卷。蓋新以十六金收得者也。記。

秋、得明鈔本五行類事占七卷、跋之。記。

秋、趙味辛以宋刻本聖宋文選三十二卷歸先生。記。

七月二十八日、跋新得趙清常家鈔本張光弼集。

記。標按常熟縣志、趙用賢子琦美、字元度、以蔭、至刑部郎中、東湖叢記云、李刊酉陽雜俎、有趙清常序、末題海虞趙琦美、

瑞樓書目、脈望館和禪集五卷、

趙琦美撰、趙有脈望館書目、

九月重陽後二日、跋新校宋舊鈔二十八卷本淮南子。

記。標按舊鈔本得於顏家巷張秋塘處、云是其先世曾父公所藏、語見原跋中、

九月既望、唐陶山仲冕、以南宋人鈔本太辛集注六卷、太辛解四卷、附太辛歷一卷十冊、贈先生、自

爲跋記。翟氏書目、

卷十五、

九月望後一日、觀書於東城蔣氏、見宋本新序、借歸、校乙卯年所得之本、并再跋於後。

記。標按先生校宋本新序云、

將本向藏史家巷賜書樓蔣氏、今分支居西白塔子巷、家不甚貧、卻愛財不愛書云云、所言東城、似卽指此、惟兩巷皆在西城、不可解耳、

季秋月乙未日、跋元板祖庭廣記。記。



孟冬，借五柳居東維子文集，補明刻本闕葉，跋明刻本上。

續記

十月六日，瞿木夫爲先生畫讀未見書齋雅集詩畫冊，并題詩。

原冊

十月，跋新得宋本錢杲之離騷集傳。

冬孟九日，跋新得宋本孟浩然集。

記

先生招集錢竹汀少詹，段懋堂大令，陳曼生，顧南雅於紅椒山館，南雅有分得子字韻詩，有句云：

情入畫宜，紅椒顏額始。注云：前月雅集，曼生有紅椒絕凡豔句，堯圃因名其室曰紅椒山館，屬嘉定

錢膠田爲之圖。

顧南雅思無邪室詩集，標按山館當在下洗馬巷，先生跋愧鄭錄後，自署嘉慶己未冬十月既望，書於紅椒山館。

冬，借袁壽階藏道藏本淮南子校之，又借道藏本抱樸子，校於丁巳年所得舊鈔本上。

記

冬日，得殘本王刻孫可之文集，再以校丙辰年所校本，三跋之。

記

冬，倩汪澐雲主政，作續得書圖。

記。標按先生跋鈔本北山小集有云：昔余繪續得書圖，名是曰螭廬松竹，蓋致道寓居吾郡之城北，葺屋曰螭廬，而松桂竹橡，既有古勝之意。今余自壬戌冬，又遷東城之懸橋。

題藏書室曰百宋一廬，夫亦取其小焉耳。又因得孟浩然集，畫圖曰襄陽月夜。按吳雲汪澐雲詩鈔序曰：同年汪澐雲侍御起家縣令，未幾移疾去，久之改官禮部爲御史，簡司城克稱職，而以病歿。澐雲自命甚高，無所發抒，託於書以寫其胸臆。

十一月，錢竹汀爲先生跋宋本東家雜記。標按此書有先生一跋，僅題隸人二字，按當在乙卯至己未五年中。

七年，壬戌，四十歲。

是年，作再續得書十二圖。標按宋本三謝詩跋云：近作再續得書十二圖，以此列入名曰三徑就荒，蓋猶不忘草亭之遺也。標按草亭將姓故有是圖。

從都中得舊鈔建康實錄，再跋舊鈔張光弼詩集。記

先生以舊鈔本乖崖先生文集十二卷附錄一卷，贈蜀人張船山太史。櫛書

春正月，假表兄貞節堂道藏本韓非子校之，九日跋。記

夏五月，自都門歸，得明刻八卷殘本戴石屏詩集，跋之。標按先生是年又入都。

五月，先生四十初度，挈妻子同遊穹窿，有登穹窿詩，寄汪潛雲主政。潛雲和詩五言二律，存集中。曰：

黃二蕘圃，以登穹窿詩見寄，蓋四十初度時，挈妻子同遊所作。今年五月閒事也。潛雲詩鈔卷五。

夏六月，先生從淵蘋以二十金得元刊呂氏春秋，舊鈔嚴氏詩緝，明刻書三史會要。記續韓非子跋。

六月七日，丙午，孫延爲先生題書牘各簽。記。標按錢果之離騷集傳題字，其一也。蔣寶麟墨林今話卷九，延字蔚堂，工詩詞篆隸，並書墨廟所居南郭草堂中，有古井，偶別殘蘇，得故宋年號。

顏其室曰  
宋井齋

秋、得影宋本韓非子。記。

七月、重裝殘元本陳衆仲文集成、跋後。記。

秋七月、借試飲堂殘宋本校家藏本揮塵前錄四卷、并跋。記。

中元前三日、澗蘋爲先生以三十金得影宋鈔本韓非子、澗蘋跋之、既望、先生自跋之。續。記。

七月既望、跋校臨支硎山人影宋本博雅。記。

八月六日、甲辰、再跋影宋鈔本韓非子、以新從張古餘借宋刻校畢也。續。記。

仲秋二十七日、陳簡莊以吳兔牀藏舊刻六卷本圖繪寶鑑、索先生題識、九月二日、爲跋記。記。

九月、命侍史影舊鈔本峴山郡志六卷、手校畢、并跋。續。記。

九月五日、再跋宋刻三謝詩。記。

九月二十日、澗蘋重觀影宋鈔韓非子于讀未見書齋、記之。續。記。

小春、再跋丙辰年所得舊鈔景定建康志記。

十月、錢竹汀先生觀宋拓溫虞恭公碑於讀未見書齋。有題字。原跋。

冬十月、望日、借周香嚴舊鈔五卷本呂衡州文集、以舊藏明鈔本校之、并跋記。

孟冬月二十日夜、坐太白樓下、重跋丁巳春所收存悔齋詩。原跋。

立冬後二日、跋校本靖康孤臣泣血錄記。

十一月五日、跋新得元本金石例記。

十一月二十八日、冬至、跋張子和所贈鈔宋本永嘉四靈詩四卷記。

標按同治蘇州府志、張雙字子和、乾隆癸丑進士、歷官甯紹臺兵備道、雙少以詞章

名世、嘗注晉書未就、于和子美川名聲鏡、亦喜藏書、墨氏書日收擊壤集、有美川血書南無阿彌陀佛六字、題其後云、乙巳十一日得之、愛不能釋、以血書佛字於空葉、惟願流傳永久、無水火蟲食之災。

歲杪、再徙居縣橋巷記。

標按甯中溶古泉山館詩集、有嘉平廿有三日、黃蕤剛移居縣橋巷、出新詩與圖見示、因題四首、祀靈惠恩偏殿、除有人于此賦移居、披圖莫認軒夫子、曾讀人間未見書、舊治東偏古寺西、標按宋

時長洲縣治、在天宮寺西、左有橋、名縣東橋、堯圃謂懸橋、卽之誤、余以宋平江圖碑證之、良然、平江一橋接葑谿、滿船載去書千卷、入室先教插架齊、一徙楓橋、原注謂袁壽階、一縣橋、良朋從此路、迢遙丁甯、倘有奇書、獲共賞、還來折簡招、滯我吳閭、計

八年、癸亥、四十一歲。

載多身如薜蘿不成窠。練祁祇有歸耕願。無計移家喚奈何。又按思適齋集有詞一首。調寄大江東去。用東城韻賦黃蘗圃移居圖。痛手風俗爲求田問舍。消磨人物。幾與醯醢雞。禪處頭抵死苦尋離壁。向後悲前。猶今視昔。恥更憑誰雪。撓之難濁。此君殊復豪傑。吟客畫就移居。欲詩盈卷。引深情遙發。特與圖經爭第宅。肯似浮雲吹滅。露宿重遙。權牽船上。剩我星星髮。欣然規往。未知判恁年月。懸橋巷舊居。今爲潘氏松鱗義莊。蛾術齋。

六月、命王重裝宋本咸淳臨安志。至十一月中竣事。季冬三跋之記。

是年、顧潮蘋爲先生校明鈔鹽鐵論記。

正月、序汲古閣影鈔宋本博物志。原序。

正月小晦日、跋影嚴氏芳椒堂舊藏吳文定寫本墨子記。

二月八日、命閩人張秦手鈔得月樓書目。傳是樓木板書目二種畢。卽跋傳是樓書目後。記。標按跋云。張秦曾在

京師。備書坊字。迹頗惡。不云。

閏月、沈刊魚元機詩集。以番錢五圓得宋刊魚元機詩集。以宋刻唐人絕句才調集考其互異。以別紙條載之。

三月望春盡日畢。跋後。

記。標按古泉山館集有集讀未見書齋分韻題宋刻唐女郎魚元機詩得屬字七古一首。又按先生得此書後曾屬余秋室繪元機詩思圖余曾見改七卿臨本。

閏二月以番錢十圓得宋本朱慶餘詩集於五柳居。跋記。

閏二月望後一日。跋新以三十金從陶蘊輝得宋本參寥子詩集。

記。標按先生跋此書有云。遷居縣橋以來。葺小廬。屬南雅庶常題曰百宋一廬。蓋於其

中檢點古刻。成一簿錄。謂之百宋一廬書目。

三月朔。跋賜書樓藏舊鈔本梁公九諫。

原跋。標按跋後有云。題紀事詩久絕響矣。即欲爲三益聯吟之續。而良友勿

吟新詩。亦聊爲破寂之助云爾。

得梁字禁押本字。

九諫詞猶在文章。震李唐。安危資柱石。舉廢得津梁。氣挾雷

霆。厥心爭日月光。名臣傳表奏。

原注。讀書敏求記。以此入集。述古堂詩(當書字)目。則入表奏。應比賜書藏。

三月望後二日。跋辛酉年所得宋刻本聖宋文選。

記續。

夏。用太原書室刊本鹽鐵論。校影鈔活字本。并跋端陽日再跋。

記。

夏至日。以白金三星。從留耕堂書坊。得明刻五卷本衍極。跋之。

記。

端陽日。重裝六年前五柳居主人所遺殘宋本宏秀集十卷成。跋之。

記續。

五月望日重裝宋本甲乙集於新居縣橋巷之百宋一廡中并取四卷殘宋本展對一過再跋宋十卷本後。

記。朱述之開有益齋讀書志卷三。吳門黃蘗園不烈多藏宋版書。顏所居曰百宋一廡。槎客以千元十架揭榜與之敵。

仲夏下濬三日邀同人十二各題新得宋本魚元機集。

元機詩思圖自跋。

五月廿四日先生三子壽鳳生。

元機詩思圖跋。標按壽鳳字桐叔。

六月一日輯宋刻書目檢及乙卯年所得宋本北山小集三跋之記。

秋於顧千里處得宋刻茅亭客話十卷又同得宋本唐求詩集一卷七月白露後一日跋唐求詩集越日又跋。

記。

秋得鈔本中興間氣集校馮校本上跋之。

記續。

七月以校宋本山海經假於虞山邵閔仙。

恩多。

邵傳錄一本。

邵氏傳錄本原跋。

白露後二日匪石訪先生以宋本唐求詩集審定鹿頂山三字圖記。

記。

九月八日偕陳仲魚至山塘萃古齋書坊以四十五番得宋本史記宋咸平本吳志建文時刻本元

音。卽跋吳志後。是日與仲魚同訪周香巖於水月亭。記。標按跋中云。自陞錢聽默。開率古齋書坊於山塘。聽默已死。此書得自其子也。

秋。影摹宋本姚氏戰國策刻成。八月八日序之。冬札記成。付刊。屬顧千里爲後序。乃十一月也。又錢

竹汀先生爲之序。刻姚本原序。標按前塵夢影錄卷下。許翰屏以書法擅名當時。刻書之家。均延其寫樣。如十禮居黃氏。享帚樓秦氏。平津館孫氏。藝芸書舍汪氏。以及張古餘吳山尊諸君。所刻影宋本祕籍。皆爲翰屏手書。

十一月朔。訪海鹽友人張芭堂歸。三跋唐求詩集後。記。標按湖海詩傳小傳。張燕昌字芭堂。海鹽人。嘉慶元年。舉孝廉方正。又按芭堂著有金石契金粟箋說。又自號金

粟逸人。又按先生跋語中。芭堂愛古。年已七十。所見古書甚多。與長塘鮑澹飲相友善。

季冬六日。以三十金從顧澗蘋得元本東坡樂府。季冬月七日。以八金從毛榕坪處得長善演程氏

藏舊鈔本乙巳占跋。記。

除夕。祭書。以書招顧南雅陶臯香。以新得吳志屬南雅題簽。并書跋語。前宋樓所藏吳志原跋。標按南雅名竊五癡子。疊香名梁。喜收藏。有紅

豆樹館書畫記。俱吳人。又按古泉山館詩集。有題先生祭書第二圖。詩曰。祭詩圖作後先論。妙繪同逢道子孫。原注。前圖吳竹虛作。此圖吳枚庵作。歎我風塵淪落久。奇書空向篋中存。原注。君舊藏宋刻太平御覽三百六十五卷。爲海內絕無奇書。予在湘

南。亦得十九卷。係海鹽陳明府玉垣所贈。適爲君書所缺之卷。浪仙嘉話古來無。周墨黃書接可趨。原注。周樸園有祭墨圖。我有癡情同是癖。也思補書祭錢圖。原注。予嗜古泉。嘉慶丙寅十二月。曾做買浪仙故事祭錢。因未得名手。其圖尙缺。煙雲



聚散本無常。祇合流傳在四方。但得主人真好古。校讎刊布似黃邨。原注。時藝夫藏書已多。轉歸他姓。故云。又獨學廬四稿。有題黃義剛祭書圖七律一首。

擬刊連江葉氏本博物志。先生命兒子玉堂依影宋鈔者錄一帙。與粵東賈人往古藥洲開彫。原跋。

九年、甲子、四十二歲。

春初。先生長子亡。

記。標按。先生長子名玉堂。以二月七日死。見所刊博物志後跋。又按。玉堂字嶼。柏爲賦孫。先生美謫父。見翟宋拓溫虞恭公碑跋。

正月丁巳日。跋新得宋槧本鑑誠錄二十五日。湖蘋爲先生跋之。

記續。按。先生跋略云。去番錢三十三圓。書計五十七葉。并題跋一葉。以葉論錢。當合每

葉四錢  
六分零。

見楊州秦太史藏影宋鈔本春秋繁露。手自校讎。二月朔辛酉日跋。

記。標按。先正事略。秦恩復字敦夫。一字澹生。江都人。乾隆丁未進士。官編修。

讀書好古。所居玉筍仙館。舊書萬卷。丹鉛不去手。

二月。得明鈔本茅亭客話。以宋本校。并跋。仲秋重裝之。記。

二月。以吳枚庵家書籍求售。以三金得陸敕先校宋本易林。卽過臨毛刻本上。并跋。記。

標按。數延年擲沙錄。吳枚庵名翊鳳。

吳縣人。酷嗜異書，無力購致，往往從人借得，露鈔雪纂，目爲之寶。江藩牛麀齋題跋：「枚庵，長洲庠生，手鈔祕籍數百種，日夕不輟，因而損一日。枚庵名翌鳳，一字小匏。」又按先生跋：「謂枚庵久客楚中，書籍寄貯友人，所友固豪於酒者也，往往取爲沽酒資。故生前已多散佚，予屢收之。」又鈔校本文王四譜跋云：「郡中有吳枚庵先生者，余向年就試玉峯，曾有半面未及把臂也。及余知購書，而坊間有善本送閱者，往往出枚庵手鈔及家藏者，方知枚庵好聚書，其書之散佚者大半出其親友家。蓋枚庵遊楚中，書多寄諸他人所，久而不歸，家屬亦尋蹤訪之，故親友無忌憚而爲此也。」又曰：「越三十餘年始歸，余與訂交。」

仲春望日，瞿木夫移家歸，膠城老屋先生送行，并以宏治刻本練川圖記以贈。

古泉山館集 標按瞿移家得詩十首，今錄其一。

道山舊志久煙銷。

原注：秦輔之練川志，失傳已久。

圖記空教小史描。

原注：邑中故家所藏練川圖記，俱係鈔本。誰識南濠真面目，瓶花齋裏墨香饒。

原注：移居日，友人黃蕤圃來送行，并以宏治刻本練川圖記見贈，係浙西瓶花齋吳君冕藏本，卷端有

其手蹟。

二月，清明前五日，以一番錢得明刊本雅頌正音，又以一番錢重裝之，畢跋後記。

三月，得王刻孫可之文集全帙，四跋於丙辰年校本後記。

三月，刊校博物志成跋後。

原跋。

三月，以去歲所得吳志示陳仲魚，并屬跋語。

師宋樓藏吳志原跋。

標按：定香亭筆談：海甯陳仲魚，於經史百家，靡不綜覽，常輯鄭司農論語注，舉孝廉方正。纂書雜誌：仲魚，嘉慶元年

舉孝廉方正。三年，本省中式舉人。東湖叢記：吾鄉陳仲魚徵君，向山閣藏書，大半歸馬二樓上舍藏書印記有云得此書，則辛苦後之人其鑒我。又刻仲魚圖象鈐於上。

三月十日，跋新從吳枚庵家得渠手校宋舊鈔本東京夢華錄。記。

五月，從師德堂收得校舊鈔本尹河南集九卷，附錄一卷，跋後。記。

六月六日，以白金二兩四錢，新於揚州書估，得舊鈔宋三卷本唐語林，跋之。原跋。

六月八日，用舊紙，命門僕張泰，影寫宋刻孫尚書大全文集殘本三十三卷畢，跋後。記。

六月九日，周香嚴借先生影宋鈔本唐語林，校明齊之鸞刻本，并錄先生跋于上。原跋。按先生別一跋，不載年月，似是跋明刻

者。本

六月二十日，跋新得周配農手鈔五卷本衍極。記。

七月二日，跋何義門手校舊鈔本塵史，中元前一日，見周香嚴所藏毛校本，復校於上下方，再跋。記。

九月下旬，先生伯兄亡。見校本茅亭客語跋。

冬，以二百四十金，得周香嚴所藏殘宋本太平御覽三百六十卷。記。

小春月萬壽日。命門僕影鈔姚少監文集五卷畢。裝成。跋之。記。

十月十三日。再跋鈔宋本茅亭客話。記。

十月十四日。跋北宋本駱賓王文集十卷。檀書  
偶錄

十一月十六日。見張青芝臨何義門校本文心雕龍。手校已未年所得嘉靖本。卽再跋嘉靖本後。記。

十一月。跋新從陶蘊輝得宋板洪氏集驗方。原跋。標按。跋語中有云。六月中有揚州書友告余。有宋板太  
醫集業四冊。欲售於余。未至。已售於他姓。後遂得此本云云。

十年乙丑。四十三歲。

甲子冬。顧澗蘋百宋一廬賦成。春。自廬州晉江張太守所寄示先生。先生注之。至秋。成。適澗蘋歸里。仍相與商榷焉。百宋一廬賦注。標按。張太守。卽古餘先生敦仁。顧澗蘋與古樓記。陽城  
張觀察古餘。以與古名其樓。樓在先生舊居林陵之中。正街宅東北隅云。

正月。以元大德本後漢書一百二十卷贈仲魚。并跋。記。

春二十日。跋十九日所得葉石君舊藏徐子器刻十卷本蔡中郎文集。并借周香嚴所藏舊鈔本。又借何夢華藏華氏活字本。合校之。再三跋後。記。標按。吳門補乘。葉樹廉。字石君。洞庭東  
山人。僑居常熟。博學嗜古。藏書至數千卷。

正月二十七日先生訪寒石長老際風於支硎吾與庵爲其長子延僧禮懺庵中用洪更生居士詩

賦詩以贈卽題丹徒顧毀庵鶴慶所畫吾與庵圖詩中注云大兒之亡已周歲矣余禮懺於此吾與

春二月三日以家刻國策易明本文則二卷跋之記按跋云估

值一兩六錢

春三月二十有六日得元本宋朝南渡十將傳又得舊刻楊鐵崖古樂府跋十將傳後記

夏跋新得影宋本李賀歌詩編四卷集外詩一卷記

四月手錄季滄葦藏書目上板刻成

書後本記又原序云係借嘉定羅木夫海鹽黃椒升兩家本互勘付梓并序於後

四月十有九日爲吳槎客跋笠澤叢書拜經樓藏書

題跋記卷五

六月朔跋新校舊鈔本對牀夜話記

夏六月十三日得明鈔本錄異記手校之中秋跋并題五言律詩一首七絕二首記

閏六月三日得四明范氏所鈔遂昌山人雜錄用舊藏鈔本校之并跋記

秋又六月十六日再跋壬戌年校宋本揮塵錄續以繁雪堂藏宋本補校又跋之記

八月五日得洪武本葬書釋注一卷并跋記。

八月二十六日從周香嚴借殘宋本學齋帖畢跋校舊鈔本上跋記。

九月手鈔百宋一廬賦刊成。

原刊書  
後木記

季秋十日續校季滄葦書目附後并記。

原校  
語後

十月跋校本劇談錄。

記  
續

冬十月得陸敕先手校本陸游南唐書跋之是日鐙下以顧氏傳錄本參校一過再跋又跋於顧本後記。

十月得崇禎烏程閔齊伋刻劉蛻拾遺集孫樵職方集五跋於丙辰年校本孫可之文集後記。

小春望日跋新得舊鈔本稽神錄六卷補遺二卷。

記

十一月二十五日跋新得舊鈔本毘陵集。

記

十一月溯蘋覆閱影宋鈔本韓非子畢記十二月十七日又記。

續記

十二月，湖蘋爲張古餘覆勘印本韓非子一過，并記于先生影宋鈔本上。記續

十二月初五日，何夢華以宋刻棠湖宮詞見示，因跋於舊藏毛鈔本棠湖詩彙後。記

冬，先生致書顧澗蘋，擬重刊易林。顧千里思適齋集卷九刻易林序。標按：澗蘋先生是年秋應孫淵如先生山東之招。

見九行二十二字本程夫子傳，手校之，又借陳仲魚所得明欽范欽吉陳德文校刊本，又借周香嚴藏舊鈔本合校之，大除夕畢，并跋。記

十一年丙寅，四十四歲。

先生是年更號復翁。標按：嘉慶丁卯正月七日鐙下，顧澗蘋跋十卷本蔡中郎集曰：時惟蘧翁更號復翁之明年也。

先生是年有菊社倡和詩事。蔣寅題夢詩圖詩注墨迹。

刊梁公九諫成。卷首木記。

春，得惠氏藏蘇天爵名臣事略。原跋。

春，得鮑淥飲所藏元刻契丹國志十七卷，舊鈔本稽康集十卷，活字本范石湖集，殘本元朝祕史，共

計番餅四十枚。記。標按。跋語云。祿飲年者。患

病。思去書以爲買參之資也。

穀日。三跋影宋鈔本輿地廣記。記。

正月十一日。跋新得鈔本讒書五卷。記。

立春後十日。跋影宋鈔本輿地廣記。記。

二月二十有四日。跋新得葉石君藏明宏治本稽古錄。記。

穀雨後二日。跋宋本會稽三賦。記。

標按。是日亦爲吳槎客先生跋宋本會稽三賦。乃別一本也。見拜經樓藏書題跋記卷五。

又爲吳槎客跋宋刻京本周禮。記。

寒食日。跋新得舊鈔本稽康集。四月望後一日。爲周香嚴借校歸後又跋。記。

夏。以三十金。從何夢華得宋本史載之方。記。

夏。得明刻本潛夫論。卽以舊藏明缺葉鈔補本歸他人。因跋於新得本之後。記。

孟夏。跋新從陶蘊輝得知不足齋舊藏續幽怪錄四卷。是時同得宋本李注文選。記。



孟夏、跋校宋鈔本賓退錄。記。

芒種後九日、跋殘宋本太平御覽。記。

五月朔、見范刻穆天子傳、有朱墨句讀、過臨於乙丑年校本上、五月三日跋。記。

秋七月五日、命門僕用舊紙影鈔明活字本蔡中郎集、跋之。記。

立冬後一日、重裝新以百二十金得宋本管子成、跋、又重裝北宋本史載之、方成、跋。記。

十一月望後三日、跋手校鈔本國朝名臣事略。跋。原

十二月、顧淵蘋爲先生跋十卷本蔡中郎集。記。

十二年、丁卯、四十五歲。

是年、以影鈔宋嚴州本儀禮經注、寄張古餘太守。刻儀禮原序。

又得穴硯齋鈔本陸游南唐書。記。

又借袁氏五硯樓明刻道藏本宗元先生文集、卽校於鈔本上、并跋。記。

又於是年、校鈔本薩天錫詩集、跋之。記。

春、假袁氏五硯樓正統道藏本墨子、手校於丙辰得藍印本上。記。

正月七日。顧淵蘋再跋十卷本蔡中郎集。九日。三跋。記。

正月望前。見顧淵蘋還舊校十卷本蔡中郎集。中有淵蘋校語。遂錄於影寫明活字本。跋之。記。

陳月哉生魄。大病初愈。手校樂志園集八卷畢。跋之。記。

正月十九日。跋元本契丹國志。記。

正月二十九日。再跋宋本史載之方。記。

春二月。先生贈陳仲魚鈔本國朝名臣事略十五卷。跋。陳原

二月晦日。再跋乙卯年所得元鈔本書經補遺。續。記。

三月二十五日。跋新得外洋板本寒山拾得詩一卷。記。

夏。借陳簡莊所藏吳枚庵手鈔本三楚新錄。傳錄之。并校其誤脫。跋。記。留宋樓所藏原書原跋。

夏。見明宏治本中州集。三跋于舊藏金本後。記。

夏。孟跋宋刻本文苑英華纂要。記。

孟夏四日。跋明鈔本蜀鑒。并影鈔足丙寅年所得殘元本。記。

夏至日。跋宋刻本崇文古訣。記。

五月、得錢遵王鈔本陸游南唐書并校乙丑年得陸校本因再跋於陸校後。記。

五月、得明嘉靖本長安志八卷重裝跋。記。

端陽後五日於王府基書坊見翻宋刻唐清塞詩集唐貫休詩集皆題荷澤李襲和父編與癸亥年

得殘宋本宏秀集行款同再跋宏秀集後。記。

夏五月二十六日跋舊鈔本蜀櫛机時借陳仲魚藏本校勘一過畢又取舊藏馮已蒼本校一過再

校。記。標按讀書敏求記露守居士爲吾友馮舒已蒼別號癸巳老人藏書率多異本吾邑之宿素也。先生校敏求記抹去老字注云己巳冬見馮鈔汗簡上有癸巳人三字印章知老字乃衍文宜原本無之也。又按吳昉鳳跋馮鈔本近事會元云蔚

守老人姓馮名舒字已蒼又號癸巳老人虞山人吳跋見十禮居題跋記續

六月跋明刻友石先生詩集。記。

以青蚨二金餘得明本周職方詩文集二卷秋七月二十五日跋之。記。

七月二十五日跋校宋本說苑。記。

七月從碧鳳坊顧氏借得刻本蛻庵集以舊鈔本校之又跋八月一日訪周漪塘又見舊鈔本再跋

之三跋。記。

六月十二日。陶五柳以宋廿二行本說苑示先生。秋八月。以卅金得之。重裝。白露後二日。跋。九月三日。再跋。記。

白露後一日。跋殘明本黃山谷大全詩注。續。記。

九月三日。跋校舊鈔三卷本墨子。記。

霜降前二日。跋新得舊鈔本朝野新聲。太平樂府。續。記。

九月六日。三跋校藍印墨子後。因新得嘉靖陸穩刻本對勘也。記。

九月。以胡文煥覆元本洗冤錄。校原刻元本于上。跋。記。

季秋。從張訥庵處。得元刻本國朝名臣事略十五卷。記。

秋暮。以明刻韓山人詩正續集。校舊藏明鈔本一過。跋刻本後。記。

立冬日。以續得影鈔宋本管子止十二卷。取舊藏宋刻本影寫十三至二十四卷。補足。校畢。共三跋之。續。記。

十月初旬，借周香嚴藏鈔本朝野新聲太平樂府覆校元刻，并再跋新得舊鈔本後，十有九日，三跋之。續記

冬十月，得同郡蔣辛齋舊藏明刻十卷本戴石屏集。記

十月十一日，陳仲魚攜吳槎客校宋本說苑示先生。記

小春望日，跋吳槎客藏宋咸淳重刊本說苑。記

十一月五日，三跋明活字本蔡中郎集。記

十一月五日，先生候顧湖蘋，時顧方從江寧歸也。記

十二月十一日，跋元本伯生詩續編。記

季冬望後一日，從顧湖蘋手得殘宋本中興羣公吟稿戊集，跋之。原跋。標按跋後有云：辛楣少詹事，贈小蓮。

此書從戈小蓮處轉得之也。戈亦吾郡藏書家，名半樹齋，見思適齋集中。

季冬望後一日，跋新得小讀書堆藏金俊明先生手錄月泉吟社谷音河汾諸老詩中州集并中州

樂府序目及小傳。

記續。

除夕前四日重裝元本宋五服圖解成跋記。

原跋。

十三年戊辰四十六歲。

是年孫淵如先生假歸招先生燕集一榭園。

孫淵如祖船詠史集題冊詩自注。先生自注詩云予買虎阜一榭園建吳將孫子嗣。

標按孫淵如

以明洪武刊本清江貝先生文集三十卷歸貝簡香得二十四金。

韻宋樓藏書志貝先生集簡香跋。標按簡香名璠吳縣人所居有千墨庵錢塘吳穀人

爲之作記。顧澗蘋思適齋集亦有題貝簡香千墨庵圖詩廿韻。藏書藉金石書畫甚富。爲袁壽階增紅慈山房吟稿。有題貝增簡香味書圖小影二律。首曰嗜好由天性詩書豈厭多。一編可陶養千卷恣摩挲。餘輿搜金石閒情託詠歌。酸醃與世別莫近笑殊科。又袁綬階亦有味書圖小象思適齋集有詩曰自經死矣山樞痛。埽地曾無長物餘。不及生前圖象好。手中長保一編書。前塵夢影錄卷上貝簡翁刻千墨庵帖寶嚴集帖皆元明真迹。句撫上石刻手爲喬鐵厂方雲常皆用挺刀法以善刻齊名。

元旦以黃梅花詩錄于元本梅花百詠卷端并跋記。

正月下弦日跋夏容庵所藏宋刊本崇古文訣。

標按容庵爲方米父。

正月下旬顧澗蘋爲先生敘新刊易林。

原敘。

三月得元刻本文心雕龍再校于嘉靖本上并三跋之記。

夏觀書濂溪坊蔣氏又見咸淳重刊本說苑別一本也因跋丁巳年所校說苑後。標按先生謂新話跋余觀書濂溪坊蔣

氏見宋鈔與述古所藏合又曰此宋鈔本蔣韻濤故後爲余友蔣懷堂所收藏書家識古之友漸少矣又說苑跋云時方購進御書索值甚昂未易得也按指蔣本而言又宋本棠陰比事是年跋云近因各省大僚購求備貢之書書主人獲善價稍稍散出

夏見活字本蔡中郎集以價貴至數十金不能得。標按跋云因時方盛行舊板書

夏鄭雲枝以附音重言古注禮記曲禮至月令殘宋巾箱本易先生所刻國語國策記。

夏從經義齋得舊刻本李賀歌詩編再跋於乙丑年所得影鈔宋本後記。

四月十有八日再跋校宋本禮記記。

閏五月十日敍新刊成陸敕先校宋本焦氏易林。原廿四日又爲後跋。原

秋借濂溪坊蔣氏宋本周賀詩手校一卷本上并跋記。

秋七月以白金百二十兩得鎮江蔣春農藏宋余仲仁本公羊解詁十二卷跋記記。

七月七夕後二日跋新從試飲堂顧氏得宋本棠陰比事記。

七月十八日。以殘元本樵雲獨唱集。用舊鈔本校之。畢。卽跋於鈔本後。記。

九月廿七日。跋所得四卷殘宋本編年通載。記。

九月。得張青芝手鈔殘本五代會要。以舊鈔本補之。并跋。記。

九月。望。借濂溪坊蔣氏金刻中州集。鈔補舊藏缺失。四跋之。記。

冬。得宣和遺事二冊。係述古舊藏物。原跋。

十月二十二日。跋新得元刻殘本樂府新編陽春白雪。記。

冬至前一日。跋新得殘宋本五百家注音辨。唐柳先生文集十一卷。又錄一律詩於後。蓋柳集係五

柳主人所贈。故作此以送行也。記。

十一月望後二日。跋新得鈔本道餘錄。記。

十一月十九日。四跋影寫活字本蔡中郎集。記。

冬季。小寒後六日。再跋己未年所得宋本聖宋文選。記。



季冬九日。跋新以十六金得殘宋本普濟方。又題詩四絕於後。

記。標按跋中略云。仲冬以來。爲亡兒營葬。爲長女遣嫁。兼之度歲辦糧。所入不償所出。



# 黃堯圃先生年譜卷下

十四年己巳四十七歲

得朱竹垞所藏宋本輿地廣記

記

標按：藤陰雜記：海波寺街金文通第有古籀書屋。康熙丙辰，竹垞自蔡垣移居。

查他山詩：整娒牙籤萬卷餘。誰言家具少於車。飢居會好春明宅，好借君家善本書。

春重雕宋初刊本輿地廣記始

原刻書緣起：標按：先生緣起中有云：鄱陽胡果泉先生與藩吳郡，數政之餘，留心選舉，聞吳下有藏尤槧者，有人以余對，遂向寒齋以百金借鈔，蓋酬余損裝之貲。丁巳，助余刻

書之費，用取所藏宋刻

輿地廣記刊之云云

以二番餅得舊鈔東萊先生詩律武庫三十卷

記

得殘宋本詩經傳箋附釋文

原跋

春游杭州登城隍山於坊間又得宣和遺事遂校付刊

原敘

正月下旬二日向陳仲魚借吳槧客所藏殘元本陳衆仲文集校補辛酉年竹汀先生所贈本闕失

處再跋記。

正月二十八日。跋新從錢塘何夢華以五十一番紙亦五十  
一葉也得元本樂府新編陽春白雪十卷記。

正月晦日。重裝鈔補金刻中州集畢。五跋之。同日。又跋毛鈔本中州樂府記。

二月望日。四跋影宋鈔本輿地廣記。中春下澣七日。五跋清明後一日。六跋記。

三月。跋新得二十五卷本栢欄集。四月晦日。游杭歸。見貝簡香鈔本。再跋於刻本後記。

春三月。游武林得明本太平樂府。下旬六日。爲先生歸舟第二日。跋之。續記。

三月廿九日。手鈔舊鈔青城山人集畢。跋之記。

立夏前一日。得明本南峯樂府。跋之。續記。

四月二日。鈔舊鈔本普濟方十卷畢。跋之記。

四月六日。跋明成化本長安志記。

初夏。將屆小滿。以番餅十七元。得元刊本傷寒百證歌五卷。發微論二卷。跋之記。

四月、小滿前二日、三跋北宋本史載之方。記。

仲夏、中澣十日、跋新收舊鈔本敬所小稿。記。

六月望後一日、跋何夢華所贈影元本論語叢說。記。

七月十日、從蘇城大觀貢品局、見宏治本紹興同年小錄。

標按先生跋中云、嘉慶己巳、恭遇今上五旬萬壽、各省大僚虔備貢品、書籍文玩、亦在購備之列、吾吳爲江南

會項珍物、由集城中特開貢局、景慶始開於前、大觀繼開於後、大觀局爲詩門彭宋兩家所開、校於舊鈔本、并跋。記。

七月十有一日、跋新得明成化本勿軒集。記。

仲秋月、跋新得金刻本李賀歌詩編四卷。記。

仲秋月、跋新得宋刻本陶靖節先生詩注四卷。記。

中秋十有三日、訪陳仲魚、得鈔本青樓集、攜歸、屬內姪丁竹浯傳錄、十月初旬、取向藏舊鈔本校之。

并跋。記。按潘榕皋三松堂續集、有爲先生題人間希見書二詩、一題青樓集、題下自注云、元至元庚子四月、旣望、雪蓑釣隱、誌蕘園云、雪蓑釣隱、雲間夏伯和也、先生原跋未載。

中秋前五日、晨起、書友吳立方、攜鈔本王子安集來、以家刻零種易之、并跋。記。

重陽日、張詡庵爲先生跋校元舊鈔本國朝名臣事略記。

仲冬十有四日、訪唐公張涵齋學士於葑溪歸、跋校舊鈔三卷本鶚冠子記。尚有二跋、不知年月、觀其詞意、當在此跋之前。標按先生跋

中云、壽階於今茲將道藏諸本悉歸芸臺中丞、而外閒無有藏道藏者、壽階初秋得疾於杭、八月初歸、卽去世、後日已百日矣。

仲冬二十四、從坊間取五硯樓遺書鈔本太平樂府九卷歸、對元刻多卷首鄧綬二十五日跋之。記續

按先生又跋家藏舊鈔本後云、五硯樓書坊人以青蚨二百四十餘金、捆載而去。

冬至後二日、跋所得明屠守居士鈔汗簡三卷、目錄敍略一卷記。

仲冬二十有八日、跋鈔本鄭桐庵筆記。記。標按昭代名人尺牘小傳、鄭敦敏字士敬、號桐庵、長洲人、明崇禎庚午舉人。

季冬十有一日、跋鈔本淳祐臨安志、并錄和陳仲魚吳槎客題宋本臨安志二律于上記。

冬、新葺陶陶室貯宋刻兩陶集。記。標按、桐鄉金錫爵新序跋、嘉慶庚午、借居陶陶室、先生先後得三宋本陶集、取名其室、楊夫未定稿卷七、有黃義圃陶陶室記、略曰、同年黃義圃得虞山毛氏藏北宋本陶

詩、繼又得南宋本湯氏注陶詩、不勝喜、名其居曰陶陶室、飲余酒、屬余爲記、余未及爲也、後二年、又得南宋本施顯兩家注東坡和陶詩、于是復飲義圃家而卒爲之記。

十五年庚午，四十八歲。

以舊藏宋本魚元機集，明本薛濤詩，宋鈔楊太后宮詞，借刊於松江沈綺雲古倪園。沈刊唐宋婦人集後本記。標按：綺雲名

恕淵雅堂文續編。題紹熙雲間志云：華亭沈生恕，時來過余，每至必盤桓信宿，生雅好收書，會吾鄉袁君廷壽家遺書大出，先後得其數十種以去。

正月，蘇州守王坦園泰得況太守辟疆館記石刻，屬王鐵夫及先生攷定之。先生作前後二辨以正

其僞。葉廷琯吹網錄。

二月七日三跋已未年所得宋本聖宋文選。記。

夏跋宋本東南取進輿地通鑑。莫友芝宋元本書經眼錄卷一。

夏至後一日以鈔本馬令南唐書過臨馮已蒼校本并跋。記。標按：海虞詩苑小傳馮文學舒字已蒼號默庵嗣宗先生長子也。

五月爲五硯主人後人檢理書籍得殘宋本后山詩注一卷跋之。記。標按：先生原跋曰：五研主人謂家有殘宋本幾種常贈子忽忽未果主人已作古矣。

其孤余婿也。顧千里月下笛詞過袁壽階舊居有感曰：試問樓中身前肯信破家如此。又曰：魂歸白晝常聞哭想只戀青箱未死怪鄰翁指點牆頭錯歎商人無子。漢學師承記袁廷樞著書甚多皆未編輯其子樵魯不能讀父書所有稿本散失無存矣。

四月、用白金五兩四錢、得殘宋刻本孟東野集、越八日、爲端午芒種節、展讀、跋之、是日庚午年壬午

月戊午日戊午時、記續。

五月初九日、跋新校宋舊鈔本詩律武庫、乃新以六元得宋刻本手校之也、記。

夏五月十有一日夜、至玉峯、於吳氏見殘宋刻本放翁先生劍南詩稿十八卷、口占二絕、記續。

五月一日、跋新校五硯樓舊藏明鈔本劉子新論十三日、又跋、記。

五月十九日、再跋丁巳年所得明刊本捫髭新話、記。

五月廿有六日、從城南衛前、得舊鈔本楊太后宮詞、跋之、記續。按跋云、是日、叔子三癸生七歲。

六月、跋鮑淥飲手校嘉靖年伍光忠刊江淮異人錄、記。

七月、爲陳竹汀跋宋本蘆川詞、記。

八月、陳曼生爲先生題記元機詩思圖冊、圖爲周雲巖字所摹、係從吳江陸蘭堂英所畫十二女史

圖中之本、原冊。



八月跋宋本丁卯集記續

八月朔日跋宋刻鈔補本監本纂圖重言重意互注毛詩時新從陳仲魚借得宋刻全部補鈔始畢

也。毛詩原跋。標按此書已不可得。

原跋一紙舊藏趙靜滄表兄家。

中秋跋殘宋刻本放翁劍南詩稿并錄前作二絕於卷首。記續。按先生再跋是書不藏月日玩之亦是此時。

冬又跋校宋本新序。記。

十一月嘉興金轡庭錫爵借居先生之陶陶室先生出示宋槧諸書轡庭爲先生跋宋本新序。記。按金原

跋云陶陶室先後得二

宋本陶集取名其室。

十二月二日三跋殘宋刻本孟東野集。記續。按此跋前有一跋不載年月。

季冬五日與金轡庭對校宋本新敍即三跋於宋本新敍後。記。標按原跋云轡庭先後來吳中而皆獲至精之書以去可謂識寶者而余訂交如轡庭談書

又得一良友寒齋數日之聚百宋一廬之中添一段佳話他日攬書對讀圖成豈異長毋相忘耶按原注云此五硯樓事

歲暮重裝五月中所得后山詩註畢跋之記。

十六年辛未四十九歲

二月先生偕石琢堂廉訪同游西泠宿松顛閣時寒石長老猶主理安寺方丈不久將退院歸吳門。

吾輿  
繫編

中春二十有二日錢唐陳疊生雲伯兄弟往訪先生先生出元本樂府陽春白雪示雲伯

柳如

是校本再跋之記。

三月初游嘉禾遇鮑淥飲先生於雙溪橋下淥飲以家鈔古逸民先生集一卷附錄一卷贈先生先生

生跋記。

三月廿有四日以三元得金孝章手鈔詩稿跋之記。

四月二日跋舊刻本崔豹古今注三卷

續記

四月又四日新得王西泚家藏中吳記聞校臨陳白陽手校本畢跋。

記。標按此跋附記云西泚即西莊王鳴盛之號也嘉定人僑居閩門外麗家

銜乙亥記。又按白陽名亭字道得。吳人家郡之湖。畫家所稱白陽先生也。

五月見呂無黨鈔本栢欄集以價貴未得。三跋於己巳年所得明本後。記。標按呂無黨葆中石門人。呂晚村之子。手鈔書留字。皆缺最後一畫。

五月二十日放舟西山至支硎山下吾與庵訪寒石大師時師新自理安歸吳先生此次游山紀事

唱和各詩曾刻有春游雜詠。吾與彙編。

仲夏見述古堂藏鈔本契丹國志下冊屬西賓陸東羅鈔補元刻之缺小暑後一日雨窗跋。記。

六月先生患病一月餘始就痊同人咸來視疾賦詩謝之。吾與彙編。

辛未秋日近校錢述古本武林舊事取鈔本相勘跋鈔本後。記。續。

初秋跋明活字本曹子建集。記。續。

七月中元前二日校鈔本硯箋畢跋。記。

八月秋分前一日同石琢堂表兄宿吾與庵澄公邀往華山看桂歸至白雲泉有詩四首。

吾與彙編。又獨學廬三

稿有步韻三首。

九月七日先生偕其女夫袁仲和入山借宿吾與庵連日爲其尊人壽階先生度地營葬。吾與  
聲流

九月十日再跋嘉靖本長安志記。

暮秋新得毛子晉跋手編清塞詩集二卷本二跋於戊辰年校本後并跋毛本後。標按暮秋或  
作小春二十日

冬陸拙生爲先生重錄錢遵王舊鈔本朱校于鈔本武林舊事上并跋之記。

初冬跋己巳年所得殘宋本毛詩傳箋越月既望後一日裝成。原跋按原跋有云裝成原收及裝潢鈔補之  
費共計百金又云頃得一小字本大同而小  
異。

十二月二十五日跋新得明活字本小字錄。

十月二十六日重裝新得校鈔本藏春詩集畢。書三冊  
值三元跋記。

仲冬再跋鈔本武林舊事記。

冬至後四日校舊鈔本畫鑒畢跋記。

季冬月望前一日跋新刊成藏書紀要。原  
跋

大除從五柳居借祕笈武林舊事校所藏鈔本壬申正月廿一日校訖并跋記按題跋記續別載一跋與此跋同而較詳末題壬申

歲初二日不云某月疑有脫文

十七年壬申五十歲

跋新得元刊三十卷本皇元風雅月香齋書志卷三十五

借周香嚴銅活字本開元天寶遺事手校於埭川顧氏家塾本上記

校周益公全集畢記

再跋影宋鈔本輿地廣記記

春覆勘藏鈔本武林舊事跋之記

正月下旬六日晨起四跋殘宋本孟東野集續記

正月下旬六日見柳大中手鈔貞居先生詩詞集以舊鈔本校之一日畢跋於舊鈔本上記標按讀書敏求記柳

君名翕字大中別號味茶居士夢寫宋本唐人詩數十種今皆歸述古書庫中

黃彞圃先生年譜 卷下

二月二日見王聞遠家藏藏春集翌日再跋校鈔本藏春詩集同日又三跋之記

二月跋新得舊鈔本湖山野錄記

仲春小盡日觀張貞居詩稿真蹟出丁巳年所校存悔齋詩相證時先生西賓陸拙生爲佐校讐之

役共爲欣賞拙生遠祖爲性夫後人遂屬其書籤

存悔齋詩第四跋標按陸拙生名奎見鈔本近事會元跋

春三月取舊鈔本山居新話東園友聞手校元刻于上并跋記

春季十有三日再跋元本梅花百詠記

四月朔跋舊鈔本思陵錄記

四月借孫淵如藏宋刻小字本劉子新論再校庚午年所跋本上并跋十八日第三次校畢又跋記

芒種後一日假鈔袁壽階藏胡茨邨鈔本安南志略手自校畢跋記

記標按跋中略云余所藏他書亦有胡茨邨印記必是好書之人矣頃見徐

昂發題胡茨邨書彙詩曰金泥小字刻牙籤連屋書囊當畫經盡日細繙黃白本始知間味十分甜可見校書之勤見經籍訪古志

夏五月借試飲堂顧氏舊鈔本硯箋再校鈔本畢跋記

端午後一日。跋校宋本劉子新論。記。

五月十一日。先生五十壽辰。周香嚴以殘宋本姚少監文集五卷爲壽。六月十有八日。先生跋。記。

夏五月二十五日。跋新得明刻本開元天寶遺事。六月上旬。又跋。記。

季夏。重刻宋本輿地廣記成。記緣起於首。原刻書緣起。

夏六月望前一日。跋舊鈔本開元天寶遺事。記。

中元後二日。新從顧氏得毛藏鈔本硯箋。跋。記。  
標按。此跋末題書於學耕堂。堂卽先生所居。應亦在縣橋巷。

中元後三日。見元三十卷本皇元風雅。跋。記。

九月晦日。擬易號知非子。是日。六跋金刻中州集。記。

十月五日。敍新刊成宋本輿地廣記。并附刊校勘札記成。原敍。

立冬前一日。二跋元鈔宋刻合裝本圖書見聞志。記。  
標按跋略云。與西安陸拙生同觀。時拙生亦自玉峯科試歸。而書籍街竟無一獲。古書難得。數年之間。已判盛衰矣。乃指己未

年顧澗蘋爲先生於玉峯得書事。

十月十二日，跋新校舊鈔本河南邵氏聞見錄。記。

仲冬九日，見舊鈔茅亭客話，補校甲子年校鈔本。跋。記。

仲冬望日，陸拙生爲先生題金刻李賀歌詩編。跋。標按陸題云，獲睹於讀，未見書齋。

十八年，癸酉，五十一歲。

以宋小字本毛詩傳箋歸三松堂潘氏。原跋。

元旦，再跋毛藏鈔本硯箋。標按跋毛鈔硯箋略云，頃五月下旬，余世好顧侍書茂才出其家藏毛校本硯箋。

元夕，因新得舊借顧氏試飲堂硯箋，復重裝鈔校本硯箋，再跋。記。

正月二十八日，再跋壬申校鈔本聞見錄。記。

二月，從吳枚庵借本校舊鈔本文房四譜畢，跋。記。

二月初八日，跋舊鈔本耆舊續聞，又借吳枚庵本校之，再跋。記。

二月二十九日，以乙丑年所得舊鈔毘陵集，借同郡吳枚庵所藏遵王手校舊鈔本勘之，是日畢，跋。



記。

三月初四日。檢得戊午年所得舊鈔葛公歸愚集三跋之。

暮春二十有五日。從周香嚴借錢蒙叟本校舊鈔本文房四譜畢。再跋二十有六日。三跋。

春暮。吳枚庵借先生校舊鈔本蜀檮杌。

春三月二十有一日。再跋舊刻本崔豹古今注。

三月晦日。跋新從吳枚庵得鈔校本文房四譜。

三月晦日。得汲古閣舊鈔本李羣玉方干詩集。

四月立夏前三日。手過丁卯年所校舊鈔本蜀檮杌。吳枚庵補校夾籤。并跋。

四月初三日。二跋壬戌年所得永嘉四靈詩。因新得毛鈔影宋九僧詩也。

四月十四日。見宋刻嘉祐集十五卷四冊。卽傳是樓所藏者。購得之十八日。跋後。越日。又跋。

五月廿三日。跋補校鈔本東國史略。

五月二十六日。四跋劉子新論。又三跋丙寅年所得舊鈔本稽康集。

標按先生劉子跋云。三男生有一載矣。能讀父書者。賴此子。又稽康集跋云。是

書余用別本手校。副本備閱。於丁卯歲。爲書時。西賓顧某借去。久假不歸。殊爲可惜云云。

五月小晦日。校明影宋鈔本元英先生詩集畢。跋。記。

立秋後十日。下弦。跋新得吳稷堂家宋本毛詩傳箋。原跋。

六月三十日。陸拙生奎爲先生重鈔吳鈔本近事會元五卷畢。并跋。先生亦跋之。記。

秋日。石琢堂與先生遊西山。有和韻五古八首。獨學庵三稿。

初秋。再跋乙丑年所得舊鈔本稽神錄。記。

七月初四日。伏日。跋新得舊鈔本日湖漁唱。記。

中元前一日。得舊鈔本塵史三跋於甲子年跋本後。記。

中元後三日。跋新得舊鈔本塵史三卷後。續記。

七月晦日。題詩一律於毛藏舊鈔本硯箋之後。并三跋之。記。

中秋前三日、再跋舊鈔本塵史後。記續。

中秋後八日、於王月軒家、得見郭天錫手錄圖畫見聞志殘本。標按原跋云、王釐兄攜來、不知字某某也。

中秋後八日、見元刻劉須溪評點王右丞詩、借歸、與舊藏宋刻本校之、即跋於宋本之後。記。

七月二十有六日、跋新校宋本春渚紀聞。共三跋。九月十七日復校之、再跋。記。

仲冬二十有四日、見張青芝手鈔劉祁歸潛志八卷本、與舊藏本對校、又見後六卷本亦校之、至十

一月二十七日畢、跋記於青瑣高議第二冊卷九前。記。

冬季、得元刻東光張預輯十七史百將傳殘本。記。

除夕前二日、跋新校鈔本青瑣高議後集。記。

十九年、甲戌、五十二歲。

刊儀禮鄭注始。原書敘。

正月、七跋影宋鈔本輿地廣記。記。

正月五日，以家刻國策十部，易舊鈔本新編翰林珠玉六卷，跋記。

仲春，再跋元板宋朝南渡十將傳，記。

仲春，三跋庚午年得殘宋刻本放翁劍南詩稿，續，記。

仲春望後三日，春寒奇甚，兩跋校鈔本紹興同年小錄，記。

閏春，再跋鈔本近事會元，續，記。

閏二月一日，跋殘蜀大字本周禮，記。

閏二月二日，四跋宋本聖宋文選，記。

閏月，跋校新鈔青瑣高議集，孟夏，又見舊鈔別集，覆校之，再跋，記。

閏二月十九日，收得明刻本張光弼集，三跋辛酉年所得舊鈔本，記。

夏初，再跋甲子年所得校舊鈔本尹河南集，記。

四月，跋新得明刊十卷本戴石屏集，卽以丁卯年所得本歸他人，記。

端陽前一日以千錢得舊鈔金孝章校本范德機詩集初十日以毛刻校畢又跋六月六日三跋記

端午夏至日以番錢十六餅購得郭天錫手書圖畫見聞志殘本三跋於元鈔宋刊配本後記標按郭天錫元

人所著客杭日記刻入知不足齋叢書原冊附高陽師

六月見顧竹君家舊鈔本周賀詩集再校於戊辰年校本上并跋十二日見顧竹君家張蠙集借校

畢跋記并題五律一首記標按跋略云開顧竹君家遺書散出有舊鈔唐人小集數十種在友人處

六月六日跋新得陸東羅所贈宋刊浣花集記

六月十日以番餅一圓半得舊鈔寶晉英光集六卷借吳枚庵本校之畢跋記記

六月十有一日爲陳仲遵跋舊鈔殘本麟臺故事記

秋再跋甲子年校本春秋繁露記

秋借張訢庵藏祕冊彙兩本用舊鈔本校于上記按先生跋訢庵藏本無年月當是校畢時跋之

秋白露後一日跋新得舊鈔本緯略十二卷記

中秋後一日爲張訥庵跋鈔校本雁門集。

記。標按張訥庵名紹仁長洲人所居在霽司空巷見士禮居跋四卷屢與先生往還皆見跋語中曾云校書心到眼到手到在朋友中無出其右云云。

羅氏鐵琴銅劍樓書目記東坡全集有吳郡張紹仁學官藏書朱記。

九月再校舊鈔本硯箋畢跋記。

重陽日跋新校宋本道德真經指歸記。

重陽後跋舊鈔本慶湖遺老詩集蓋此集本陳仲魚所贈祇半部先生適於張訥庵處見半部攜歸證之竟爲延平之合遂卽贈訥庵并索仲魚跋之記。

九月十九日先生爲長孫秉剛

美鑑。

授室潘氏

硯箋跋。

越一日從五柳陶君見舊鈔本硯箋手校於自

藏舊鈔本上跋中略曰日來避囂移榻書齋晨昏起坐校勘尤便復翁書於陶陶室之北窗并題一絕曰半是書房半臥房晨昏作伴有青箱閒來磨墨親揮翰一硯隨身友最良記。

九月廿有三日跋新得舊鈔節錄本蘆浦筆記楊公筆錄十月初九二跋十月十日取舊藏穴硯齋寫本校之三跋記。

九月三十日。跋新校舊鈔本邵氏聞見後錄。記。

冬孟。以五代史補。用舊鈔本校畢。跋。記。

初冬。新收舊鈔唐甫里先生文集。以缺第二十卷。從周香嚴處借得成化時崑山嚴景和覆本。手鈔補之。十月十一日。畢。跋。記。望後二日。二跋。二十日。三跋。記。

十月七日。跋校鈔本聞見後錄。記。

十月初九。於元妙觀前學山堂書坊。見亡友顧抱冲手閱汪文盛漢書。鈔本廣浦筆記跋。標按跋中云。抱冲之歿在丁巳年。

十月初九日。再跋校舊鈔本邵氏聞見後錄。以曹秋岳本異處校于上也。記。

十一月二十九日。見傳是樓黑格鈔本五代春秋。借校之。畢。跋於校本後。記。

十二月。五跋校宋本春渚紀聞。記。

十二月。以吳枚庵手校舊鈔本春渚紀聞歸西畝草堂陳氏。記。

大除夕。得怡顏堂鈔本建炎時政記三卷。又海虞楊五川鈔本珩璜新論三卷。標按龔三本松窗快筆。楊儀字夢羽。嘉靖丙戌

進士。罷官。構萬卷樓。  
兩楹。擁圖書白娥。

二十年乙亥五十三歲。

標按先生是年重跋老學庵筆記云。嘉慶乙亥重閱此。已越廿年。計跋此。尙在昭明巷老屋。今一再遷徙。家中人唯老妻猶是舊有者。長婦及幼兒幼女三孫。皆後添矣。長兒已亡。長女次女已嫁。時事

變遷。可感也夫。

原跋。

是年刊梅花喜神譜。

拜經樓題跋附錄。贈義剛先生詩注。

石琢堂爲先生題畫梅卷七古一首。

獨學廬四稿。

春。宋嚴州本儀禮經注刊成。敘記。

儀禮刊本原敘。

正月五日。屬陳拙安鐫一陽更生印。是日得舊鈔本洞天清錄。假吳枚庵藏本校畢。跋記。

正月。以陳仲遵所藏知不足齋鈔本建炎時政記。校所得怡顏堂鈔本十日。跋記。

標按先生跋中曾云。西泠草堂者。陳子仲遵之

居也。仲遵亦頗嗜書。鐵琴銅劍樓書目。徂徠文集卷首。有平江陳氏西泠藏書陳遵印朱記。又按仁和魏錫曾續語堂題跋云。吳門陳君夢汀名增字復初舊本書往往有其題字藏印。其書法倣藍田。畫近錢松壺。改七翰所輯西泠寓目編手寫未刻。自署兩



潮花隱。蓋蘇之博雅好古士也。

正月八日。以李子仙所藏竹垞翁跋桂林風土記。取張青芝鈔本校之。元夕前一日。跋上元後三日。雨中訪吳枚庵於歸雲舫。又借手鈔本校一過。再跋。記。標接李子仙名福。

正月二十日。陳仲遵還先生校舊鈔本毘陵集。先生再跋。記。

二月花朝日。得李鑑明古家舊藏本李正己集。取舊藏明鈔本勘之。是日。因期石琢堂同宿。吾與庵晨。買小舟。卽攜此于舟中校之。路經閭門。順道訪段懋堂周香嚴。抵西津橋。校始畢。跋記。是晚宿庵中。用集中同苗員外宿薦福寺韻。賦詩紀事。并邀琢堂同作。詩爲五律一首。卽錄校鈔本後。記。

二月十四日。跋舊鈔本中州啓劄。記。

二月望後一日。得李明古家校本宏秀集。以癸亥所得殘宋本校于上。四跋殘宋本後。記。續。

二月望後二日。跋校宋本唐僧宏秀集。記。

二月二十九日。跋吳枚庵新贈鈔本石林居士建康集。記。

花朝得李明古家藏鈔本中吳紀聞。卽歸張訥庵。又得汪水雲詩鈔。越二十日。再跋於丁卯六月所得本後。記。

初夏。以新見舊鈔兩卷本舊續聞。校於癸酉校本上。并跋。記。

夏。跋新過臨張訥庵校本酉陽雜俎前集。記。

四月十八日。再跋校本中吳紀聞後。記。

四月八日。用新收影宋本老學庵筆記。校丙辰所校本前五卷。再跋於舊校本後。以新收舊校二本。借與張訥庵。五月初一日。抵暮還書。翌日。錄訥庵代補校夾簽字於舊校上方。再跋之。老學庵筆記校本原跋。

夏五月。得長洲顧氏藏宋本校刊崔豹古今注。取家藏舊刻本勘之。并三跋四跋舊刻本上。續。記。

夏五。錄讀書敏求記一則於鈔本近事會元卷首。記。

五月二日。跋校本陸游南唐書。記。

五日。吳枚庵借先生校本宋本說苑。有題記。記。

端午後一日三跋鈔本近事會元記續

夏仲跋新得穴研齋鈔本何博士備論記標按原跋略云余得穴研齋鈔本書共十餘冊不知誰何并所鈔時代先後惟陸游南唐書爲虞山錢遵王藏書則在遵王先矣

端陽後十日因新從元妙觀東冷灘獲祕冊彙函本大唐創業起居注重用舊鈔本校于上畢跋之記

五月十有九日借前歸張訥庵鈔本中吳紀聞以辛未年過臨本校之三跋於校本之後記

季夏八日跋鈔本鐵崖賦稿記

新秋得殘岳本周禮地春二官手校於嘉靖本上復以殘蜀大字本秋官校補之記

七月二十一日跋鈔本玉山倡和玉山遺什并屬吳枚庵題簽記

七月小盡日新得舊鈔本玄珠密語跋之記續

中秋前八日重裝舊鈔本玄珠密語成次日適錢塘何夢華至出示此書先生遂再跋之記續按跋載嘉慶乙未

中秋嘉慶無乙未年當乙亥之譌

秋杪裝甲戌所得舊鈔甫里先生文集畢再跋記。

冬以元本東京夢華錄歸汪閱源。

記。標按先生郡齋讀書志敘云。閱源英年力學。讀其尊甫厚齋先生所藏四部之書。以爲猶是尋常習見之本。必廣搜宋元舊刻。以及四庫未采者。於是厚價收書。不

三年歲  
奔日富。

冬二十有五。再跋殘蜀大字本周禮記。

季冬以宋景祐本漢書歸汪厚齋。跋記於書後。記。標按厚齋先生名文琛。與阮文達有連。文達嘗爲之撰墓誌銘。

歲除以宋本東萊先生詩律武庫歸藝芸書舍。記。

二十一年丙子五十四歲。

跋明刻本夢溪筆譚記。

汪本隸釋刊誤刊成。原書葉首記。標按刻本後題吳縣陸損之書。男壽鳳孫美錦校字。沈良玉刻。

正月初三日再跋校宋舊鈔本東京夢華錄。又跋校鈔本詩律武庫記。

上元重錄壬戌年戴石屏集。跋於甲戌年所得本後。記。

二月覆刻宋拓本溫虞恭公碑從先生孫美鏐請也。美鏐原跋。按此石刻今藏同郡沈子良同年維驥家。

仲春六日三跋宋本嘉祐集。原跋。

仲春重裝金刻本張子和醫書成越日展觀是爲上巳前二日跋記。

夏日見明高瑞南刻外科祕方又跋舊鈔本玄珠密語後以舊鈔有古杭高氏藏書印也。續記。

四月朔補校辛酉年舊鈔本淮南子蓋新得宋本也。

長夏無事取所有子書次第校勘記。

五月二十二日跋新校宋本列子記。

初伏第四日三跋校宋舊鈔本東京夢華錄越日以宏治甲子刊本手校其異於別紙并四跋之記。

六月下弦以壬戌年校道藏本韓非子再以宋本校之畢跋記。

季夏二十八日以海鹽黃叔升所贈宋本魏鶴山渠陽詩集重裝於宋本鶴山集後跋記。

標按先生跋語中有

云叔升余二十年前友也頗藏書最喜金石好蓄古印兼精篆刻嘗往來吳門從潛聖老人游每至必攜古書相質證余時或得之後爲小官於閩中又按叔升名錫蕃

六月二十八日作五言長古哭吾與庵天台澄谷大師。

吾與  
疑編。

閏六月收得道藏本黃帝八十一難經句解。內有缺葉。送託穹窿道士向元妙觀借藏本補鈔。

閏六月十四日送澄谷大師龕歸西湖理安寺。下榻松顙閣中。慨想舊遊。乞王椒畦典簿繪圖。有詩

紀事。吾與  
疑編。

秋日借元妙觀道藏本穆天子傳補校於乙丑年校本上。

秋分後一日跋元刻本傷寒直格。

記。

秋日借張訥庵所收席玉炤所藏舊鈔本劉夢得文集。再取舊藏殘宋刻一至四卷本合校之。重陽

日校畢跋後。

標按顧千里題清河書畫舫後。藏書有常熟派。錢遵王毛子晉父子諸公爲  
極盛。至席玉炤而殿。天祿琳琅離騷草木疏。有虞山席鼐玉照氏收藏朱記。

中秋校道藏玄珠密語。又跋舊鈔本。

續記。

季秋跋校宋舊鈔本中興館閣錄九卷續錄一卷。

續書  
續錄。

五月中浣八日從天慶觀借道藏本鳴鶴餘音校舊藏鈔本。卽跋鈔本後十月十一日畢。再跋。

記。

十一月十八日再跋宋本張氏醫書記 標按此跋無紀年以辭意定爲丙子之跋

除夕前六日吳虞臣壽暘過吳門訪先生於士禮居中贈以員嶠真逸一印并呈二律拜經樓藏書題跋記附錄 標

按朱述之開有益齋讀書志壽暘字虞臣棧客以宋槧東坡先生授之因自號蘇閣拜經樓藏書題跋記周禮藝圖互注重言重意宋刻二十卷陳簡莊跋云棧客先生得此書時適生虞臣故其小字曰周宜

時先生方校刊周禮鄭注以明董氏本爲主而校以各本借拜經樓小字京本合勘之拜經樓藏書題跋記附錄 吳壽

暘贈堯夫先生詩注 標按湖海詩傳小傳吳壽字查客海甯人諸生有拜經樓詩集 蒲褐山房詩話棧客喜收羅宋元刻本

二十二年丁丑五十五歲

先生是年得曾孫標按淵雅堂編年詩續集丁丑有戲柬黃蕘圃同年奉助重孫喜詩句有云君今五十抱重孫求之近古無其人又曰試囑已下堪傳研百宋廬書堆滿院又獨學盧四稿有賀黃紹武表弟得曾孫詩

王惕夫爲先生題祭書第二圖淵雅堂丁丑編年詩續集

重裝已巳年所得元刊傷寒百證歌傷寒發微論作四冊又跋記

檢理書籍跋校舊鈔本傳與礪詩集記

石琢堂邀先生同題吳巢松編修閒雲出岫圖。獨學廬四稿。

先生以元夕詩示石琢堂。石依格和之。獨學廬四稿。

初夏、七跋金本中州集。記。

夏、跋宋鈔本捫蝨新話。記。

四月十七日、跋甲戌年所得舊鈔本珩璜新論。記。

夏五、以己未年所得殘宋本千金方。配以元明刊本。合裝之。再跋。又再跋校宋本卻掃編。記。標按卻掃編中云仲

魚於丁丑年  
二月中辭世。

秋、招王惕夫諸公集學耕堂看菊。同坐皆有詩。澗雅堂丁丑編年詩續集。

孟秋、再跋壬戌年影舊鈔本崑山郡志。續。記。

秋、白露前四日、三跋丁巳年所得明刊本捫蝨新話。記。

仲秋、四跋校宋本春渚紀聞。記。



重陽日裝宋本管子成。跋記越一日以陸敕先原校宋刻本手勘一過。再跋。記  
秋以獨學老人石琢堂先生手錄選本分體編次六卷本船山遺稿刊成題記。原敘

十月先生偕石琢堂廉訪王椒畦孝廉張葑塘大令同赴海昌流連市月燕飲唱酬維時順德張榮巢司馬青選任東防同知招集聽潮吟館餐菊以夕餐秋菊之落英分韻賦詩又餘姚朱少仙學博

招集學舍之繞竹山房又偕少仙自州城近游至馬橋馬笙谷舍人邀集古芸齋信宿馬兩如部郎式銓招集春星帶草堂馬容海光祿汝招集雲石山房各爲賦詩又爲笙谷題碧蘿仙館圖爲容海

題縞雲石卽吳將軍贈查伊璜孝廉繼佐

故物標按今在石門灣東之福嚴寺

最後至長安鎮朱紫爛舍人壽招集盟

蘭山館贈詩甚多舍人合編爲盟蘭唱酬集兩卷椒畦爲作修川雅集圖又爲馬笙谷作小桐溪館

圖蓋以馬橋亦名小桐溪也

盟蘭唱酬集

二十三年戊寅五十六歲

元旦三跋明鈔甲子年校宋本茅亭客話又再跋壬申年所得殘宋本姚少監文集記

五月借藝芸書舍汪氏宋本文苑英華記

夏孟得會通館印正本文苑英華纂要再跋於丁卯年所得宋本後又於六月初九日以借冰雪堂

汪氏宋本校補宋本舊闕畢三跋記。標按葉菊裳師曰以蕘圃跋語相證沐雪堂即蕘芸家也。

六月大盡日爲張訥庵跋明刻本賈浪仙長江集記。

秋借濂溪坊蔣氏毛藏元鈔本書經補遺以物主居奇還之三跋於乙卯年得元鈔本後記續。

立秋後三日爲烏程陳新畬敍求古精舍金石圖原圖敍。標按新畬名經。又曰復之。自刻一印曰子乾隆五十八年正陽日生。自號二亩主人。蓋得商父癸父已二亩也。曾舉舉於

所拓金文冊首嚴鐵橋爲之題曰二亩主人廿一歲小象莫子儔宋元年正陽日生。自號二亩主人。蓋得商父癸父已二亩也。曾舉舉於

本書經眼錄見考古圖葉首亦有二亩主人小象疑爲倪稍孫諱也。

秋八月校舊鈔本湖山類槩續。標按。

初冬四跋鈔本近事會元記續。

初冬得明人影宋鈔本春渚紀聞五跋於校宋本後記。

孟冬重雕嘉靖本周禮鄭注校刊成并附札記跋記。刻周禮原跋。

二十四年己卯五十七歲

春爲張叔未檢廖聲中世綵堂原刻本韓集定方銅鏡字爲孟蜀韓文範張叔未清儀閣題跋。

初夏以重價從小讀書堆得日本舊鈔本論語集解索翁廣平跋之。張月霄藏書志卷六

五月二十九日見何元朗所藏舊鈔塵史四跋於甲子年所跋本後。記。標按松江府志何良俊字元期華亭人余藏高麗鈔本虞山小史有何傳云

少而篤學二十年不下樓。

有清森閣藏書四萬卷。

秋獲見何元朗本塵史手校欽陽本上卽三跋舊鈔本。記續

秋三跋殘宋本姚少監文集。記

孟秋後跋新刊成宋本洪氏集驗方。原敘。標按所刊尙有石韞玉敘。無年月未有乙丑八月顧千里跋

秋七月爲沈十峯慈跋新刊綠窗遺稿并跋正譌字。此刊綠窗遺稿後敘。標按沈華亭人有古倪園所刊婦人集如魚元機集薛濤詩楊太后宮詞皆有先生校跋者也先

生元機詩思圖冊詩注曰近沈綺雲有唐宋三婦人集之刻皆出自予家。

中秋五日跋新從顧抱冲家得舊鈔日本正平本論語集解。記

中秋日兄周香巖家舊鈔本五跋舊刻本崔豹古今注後。記續。按跋後有先生七絕二首其一注云年年中秋倪萍江管佛容吳枚庵三人來坐月談心今歲惟倪管

二老。笑不至。蓋日中來。言月蝕恐不明也。七絕後又跋云。如梳。此始虧也。其後食之既。且黑氣摩盪。全無影者有二時。

中秋。作月明秋思圖。

標按功甫小集卷四。有題黃主政月明秋思圖七絕一首。注曰。圖已卯中秋作。是夜月蝕。又獨學廬四稿。有題黃紹武月明秋思圖卷七絕二首。又有和黃復翁悶坐二五律。

八月晦日。再跋甲戌年所得舊鈔本珩璜新論記。

十月二十六日。跋影宋鈔本書苑菁華記。

十一月望日。校新得周香嚴所藏校舊鈔本沈下賢文集畢。跋記。跋略云。校本乃從吳枚庵子晉齋處得。時枚庵已逝世矣。記。

季冬望後一日。跋新得周香嚴舊刻本劉子。

記。標按先生跋中語。春初。香嚴主人歿。遺書分貯各房。有目錄傳觀於外。余遂檢向所見過者。稍留一二種。惜年來力絀。宋元舊刻。散失殆

盡。區區舊刻。又復思置之。且質書買書。牽補殊艱。自笑兼自愧也。又五月二十九日。壓更跋云。香嚴之歿。已逾百日。標藏有香嚴書目草本。上皆注價值并圖記。或卽當日傳觀之本。

二十五年。庚辰。五十八歲。

見藍格舊鈔五卷本衍極。卽校於甲子年所得舊鈔本上。跋記。按此後又一跋。不載年月。中言近得是書。似此時所記。未題見獨學人。亦先生號也。

先生以與潘榕皋舍人暨歸珮珊女史疊韻唱酬之作示石琢堂。石和其韻。又聞先生入山探梅。再

疊韻簡之。獨學廬四稿

秋、以殘宋本會昌一品制集、介何夢華、歸常熟陳子準、

記。標按孫原湘天真閣集、陳揆字子準、諸生、購古籍、手自校勘、顧千里、張月、書目序、子準、天無子、牛生、心血。

徒供族人一資、標按、今潘鄭倉尙書、刻稽瑞樓書目、卽子準藏書目也。

中秋前一日、再跋辛未年所得金孝章手鈔詩稿。記。

中秋後一日、跋舊鈔珣璜新論。記。

秋九月二十七日、跋新收舊鈔本張來儀文集、十月四日、又跋、十五日、三跋。記。

小春望後一日、從杭州得殘鈔本陽春白雪、卽跋於松木場舟中。記。

小春二十九日、借張訪庵校元本辛稼軒長短句、臨何孟倫本上畢、跋記。記。

小春下浣、自杭歸、於城南衛前書坊、得明刻救民急務錄。跋。原

十月二十日、以新得舊鈔虛靖真君集、句曲外史雜詩、借道藏本真君集畢、跋記。記。

十二月東坡生日、跋明刻本山窗餘稿、并倩人影鈔一本、越一日、又跋。記。

石琢堂和先生除夕七律一首。

獨學廬四稿。

道光元年辛巳五十九歲。

刻顧梧生孝廉鳳謨。

夏小正集解成。

原書後木記。標按顧氏跋紀辛巳夏五月庚戌朔。係刊在傳本之後者。每卷後有門人美鏗校字。是卽先生之孫時顧館於先生家中也。首有夏文灝敘卽顧之

外兄也。

跋明刊本揭文安公文粹記。

二日立春跋殘棉紙舊鈔十卷本呂衡州文集記。

二月見小讀書堆殘宋本說苑散在坊間借歸續校於自校本上記。

三月跋新得香嚴書屋明刻本荆南唱和集續記。

三月跋新得周香嚴所藏活字本開元天寶遺事又取壬申年所得明刻本校之卽跋於壬申本後。

四月朔又跋記。

四月朔訪周香嚴季子謝庵於水月亭。

天寶遺事跋。標按跋中云謝庵出所著羣書綴拾相質。奉元明以來人著述爲目錄之學者以續資興經籍考。

孟夏望後二日，跋新刊成袁刻傅蕊卿本夏小正，并附校錄。原刻跋記。

三月三日，跋新得宋刻補鈔小畜集三十卷。三月七日，先生挈眷赴杭，舟中，以新得宋刻補鈔本小畜集校舊鈔本，即跋鈔本之後。四月十日，又跋端午日三跋。記。

四月，得宋本注解珞璣子三命消息賦三卷，校正李燕陰陽三命二卷。八月，載生明跋。記。

秋八月，見明刻寶祐四年登科錄，因再跋校舊鈔本紹興同年小錄。記。

夏，有修蘇州府志之舉，石竹堂潘文恭公主其事。先生與纂修之列，因訪書赴常熟，於八月二十一日，泊舟西門之倉前，天未明時，夢見一空曠之所，石潘二公凭一石几對坐，作談詩狀，聞七字句云：

不使閒情管落花，醒後足成七絕一首，及歸，再用句中平韻衍之，復得二首，屬陸鐵簫贈，盡夢詩前

後二圖，於重陽後十日裝成卷，以藏經紙作卷尾，自書三詩於上，并屬同人題詠焉。原卷跋語。按是卷今藏張叔鵬孝廉納。

翔家。一時和詩。石潘二先生外，有吳玉松雲、陳夢湘廷桂、吳隸花廷琛、吳閱甫信、中蔣賓鶴、貢張蔣塘吉安、尤存樊輿詩、彭燕閒希鄭湯三史達題首，爲陶鈞徽、袁隸書鏡花水月四字。又按先生分彙，得方外一門，見張蔣塘題夢詩圖詩注。

冬孟，依道藏本校補脫譌本意林，并跋。記。

冬、見黑格條鈔本李羣玉方干詩集、以價昂、未收。記。

冬、潘榕皋爲先生題人間希見書二種、詩一、題青樓集、題下注云、元至正庚子四月既望、雪蓑釣隱

誌、蕤剛云、雪蓑釣隱、雲間夏伯和也。三松堂續集。

十月十日、爲張月霄跋殘宋刻本續顏氏家訓。記。

十月下澣四日、爲張子和孫伯元跋影宋本寶祐四年萬年具注歷。記。

二年、壬午、六十歲。

是年、先生自號抱守老人。

記。標按先生陽春白雪跋、余生平喜購書、殘闕者尤加意、戲自號曰抱守老人。

新刻琅璩子三命消息賦成、作詩示石琢堂、石成長句簡之。獨學廬四稿。

先生以菜心餉石琢堂、石賦詩奉謝。獨學廬四稿。

作西泠春泛圖、石琢堂題七古一首。獨學廬四稿。

正月、先生以石琢堂先生潘文恭公元和吳棣華廉訪長洲吳篤人學士四人、至虞山訪書唱和詩



刊於士禮居叢書之後。題曰四元唱和集。

潘文恭公思補齋筆記

正月十一日。過胥門學士街書坊。見鈔本汪水雲詩。攜歸。手校乙卯六月所得本一過。三跋之。記。

二月初吉。過臨舊校宋本李衛公文集及外集別集於新得紅格明鈔本上。二日而畢。并跋於後。記。

閏三月立夏前三日。沈欽韓于先生校舊鈔本邵氏問見後錄上校誤。記。

四月二十有五日。何夢華從琴川來訪先生。談次。及鈔本陽春白雪事。先生即以舊藏元鈔本校庚

辰年所得鈔本。二十六日畢。再跋庚辰本後。廿七日。又從元鈔本補鈔三集。三跋之。記。

仲夏。見李子仙手臨顧淵蘋所錄惠松崖段若膺兩先生校定本廣韻。擇其與姓氏有證佐。及廣韻

向未載其姓者。間補出一二。摘錄于自輯廣韻姓氏攷上。

廣韻姓氏攷原稿跋。標按先生跋語中有云。段李皆作古人。淵蘋又交絕。是先生於六十歲後。不與淵蘋往還矣。

書係僅錄廣韻中姓氏。似未成之書。見於汪郎亭先生笈中。又按聊城楊氏海源閣所藏宋本輿地廣記。卽先生舊藏者也。

有顧淵蘋跋。力摺先生新刊札記之謬。每稱彼而不稱名字。且云。吾願汪君據此之真。顯彼之僞。云云。未題庚辰立秋前一日。是早與先生絕交矣。

又張穆閣潛邱年譜卷四云。千里天性輕薄。如平生師事之段懋堂。一旦論學不合。輒痛加詬厲。無復弟子之禮。懋堂至引顏黃門語以責之事。其見經韻樓集中。於總弗至交之李尚之。其沒也。又造作文字。重相詆毀。顧榮爽通政嘗述其言。標

按千里於至交而斷絕者。今又得一人矣。所謂造作文字相詆毀者。聞尚之故後。千里輒以人有千算四字。又見自宋一座賦。初印樣本。有顧校字。今俱刻正矣。未有顧題云。蕘翁手寫有別趣。但此君不曉楷法。美哉猶有憾。醉中記四十二字。是亦輕詆之證。

秋七月傳錄北山小集畢

標按原書本先生物已歸藏芸書舍辛巳年以修志事借出鈔之

跋記復錄一本予張月霄記

秋七月借張氏愛日精廬舊鈔本皇朝文鑒還書之日跋之命三孫美鎬書記

中秋三日以刻本霏雪錄校舊鈔本多胡謚張文昭兩跋命孫兒影寫足之越日晨起跋

記按跋稱予先生是

時年三十無孫兒影寫事如後六十年更非子當年之誤

除夕以元板國朝名臣事略歸他人記

三年癸未六十一歲

題讀未見書齋雅集書畫冊首四字曰樹猶如此

原冊

石琢堂爲先生題家藏船山太守寒山獨樹圖

獨學廬四稿

先生和石琢堂五柳園春日詩石琢堂又疊韻奉酬

獨學廬四稿

初五日再跋壬午春過臨校明鈔本李衛公文集

記

春收得貝欄香家書得淡生堂鈔本蘇天爵名臣事略記

春送考崑山得宋刻唐人碧雲集李羣玉詩集以毛刻碧雲集校之跋校本後記

正月人日癸未跋殘鈔本李文饒文集十六卷

續記

春先生曾孫生其次孫飲魚茂才美錢倩陶筠椒爲作蘭徵圖以乞同人題詠

標聞之奇氏先曰張蔣塘大滌山房集云潘榕皋有

題詩曰露蕊紛披整復斜謝庭蘭玉擅清華憑將陶令春風管留作黃家及第花又按飲魚室爲李氏名慧生字定之工詩畫爲子仙孝廉福之女潘榕皋先生之詩弟子也

元夕後三日五跋校宋舊鈔本東京夢華錄時爲沈小宛借去方送歸也記

正月二十五日先生結問梅詩社之弟一集於尤春樊興詩家之延月舫同社者石琢堂彭輩間二

公先生屬陸鐵簫鼎畫問梅詩社圖冊同社人皆題詩於上

原冊標按此冊今藏於同郡樊翁芝蔭培撰在案舊歸葉君生先生後爲樊蓮夫先生重照所得

續芝卽先生姪也冊中彭輩間詩自注云余移居城內甫十日春樊義圃過訪往積善西院看梅因以問梅名社又云琢堂未共

看梅而入社又云義夫自製詩社吟箋按潘驤生先生詩社冊後跋云龔余見邑香胡君所摹梅社七賢圖爲蓮圃黃先生琢堂

石先生輩間彭先生春樊尤先生蔣蔣張先生族祖理齋公六人詩具見冊中其一則隸華樊先生也冊中獨無詩豈入社較後耶

石梅孫渠冊後跋云先生沒於乙酉秋越戊子始與哲嗣同叔文孫飲魚定交不及見先生而共家藏曾一寓日卽詩社冊猶

及觀其全也自是晨夕過從兩家契好者三十年無間滄海橫濤里社邱墟同叔父飲魚已前卒其家以投池死以疾病死殆不下

二十人存者惟飲魚一孫十餘齡同丈一嗣曾孫纔數齡近聞其三子詩集皆在廟海司墓者某姓家又獨學盧五稿有題問梅

詩社圖詩。其序云。城西積善院有古梅一株。數百年物也。道光癸未仲春之月。黃子藥圃。偕尤春樊。舍人彭葦間。太守探梅至此。乘興欲結問梅詩社。邀予入社。每月一會。會必作詩。其後士大夫歸田者。相繼講苦守之契。則有張大令。蔣塘朱贊善。陶友韓司寇。桂給笑。康訪棣華。潘農部理齋。而董琴湖太守。卓海帆京兆。在吳門時。皆來赴會。乃藥圃已先歸道山矣。己丑夏。哲嗣同叔出此圖見示。蓋藥翁于初結社時所作。撫今追昔。不勝白社黃埔之感。

仲春從汪閬源借乙亥年所歸東京夢華錄校新得殘元本再跋記。

仲春以同邑施少谷南金手影鈔宋刻龐安常傷寒總病論付梓成。并附札記跋後。原跋。標按先生跋語中有云。刻洪氏集

驗方之冬。余忽得一夢。有人謂余。何不再刻龐傷寒。醒而異之。遂商諸葛芸。擬取舊藏宋本後歸汪氏者。借鈔入刻。藝芸不允讓鈔。適少谷哲嗣稻香。欣然輟贈其先人手澤。付諸剞劂云云。

二月十有六日。先生舉行問梅詩社第二集於積善西院。先生賦五言古詩二十二韻。原冊。先生詩序云。積善西院。

雖爲看玉蘭計。實則欲展謁忠介公墓也。又獨學廬四稿石琢堂是日有題問梅詩社七古一首。

三月望日。跋新從玉峯考棚汗筠齋書籍鋪得翁南陵叔手錄錢思復江月松風集十二卷。原書原跋。標按先

生跋中云。翁字又張。爲金侃亦陶之高足。住東洞庭山。

三月二十一日。彭葦間招集先生及琢堂春樊於靜怡書室。爲問梅詩社第三集。先生疊六麻韻。和

葦間七律二首。春樊詩自注云。時薨夫葦間豪飲。原冊

三月廿八日。琢堂招先生食葦羹。即爲問梅詩社弟四集。先生有七律二首。原冊

三月二十有六日。吳玉松雲招彭葦間陽興阿達枝。蔣賓鶴寅及先生舉弟三次五同年會。蓋始自

上年九月也。是日。以可以遠眺望。五字分韻。先生得眺字。成五古一首。錢梅溪詠虎丘雜詩稿本卷十錄吳玉松五同年會記

三月晦日。瞿木夫爲先生題宋本朱慶餘集。記

四月初八。與彭雅泉尤春樊石琢堂有入山訪僧之約。至期雨甚。不果行。遂小集花間草堂。以賞雨

茆屋四字分韻。獨學廬四稿。標按石琢堂得屋字。成五言十二韻。

四月十有三日。跋新得明刊本西谿叢話。記

六月四日。於郡廟前五柳居。得明刻毛校本王建詩集八卷。記續

石琢堂和先生秋懷詩及柳下花間之作。獨學廬四稿

秋社日。先生及彭雅泉石琢堂集尤春樊舍人齋中。賦詩。獨學廬四稿

秋、校范石湖集。記。

秋七月，先生病暑初愈，中泚二日，書估持顧氏試飲堂席上，輔談求售，先生不在家，越日取歸，既望，

跋之。八月廿有五日，命工重裝訖，晨起，又跋之。記續。按跋云：本書六十一番，跋三番，估值五金，以家刻書易之。

七月下泚，見毛子晉舊藏墨格竹紙鈔本碧雲集，再校於春時校本上，又跋。記。

七月二十八日，湖山風月主人借先生江月松風集，并附跋語。原書原跋。標按主人不知何姓名，押一圓印，亦曰湖山風月主人。其跋曰：癸未七月廿有八

日，從龔夫借觀晦日，往濱川省徐氏妹，午後，狂風大作，泊西跨塘橋下，投宿談氏，越日仲秋朔歸，往來舟中讀竟，按其語氣，亦吾郡人也。

八月朔日，跋新得陳簡莊舊藏吳枚庵鈔校本長安志。記。

八月白露後一日，跋所得舊鈔本湖山類稿。記。

八月十二日，於臬轅西中有堂書坊，得明本劉子新論，九月十八日，重裝成，跋。記。

九日，石琢堂招先生及春樊葦間集五柳園，先生登石家淩波閣。獨學廬四稿。標按淩波閣爲琢堂藏書處，四稿中有淩波閣藏書目錄序。

仲秋廿有二日，秋社，檢篋得辛酉年所集讀未見書齋雅集書畫冊，自跋於後云：是日將赴弟八集

詩社於延月舫。又跋云：此冊之作，在王洗馬巷第一遷之新居。雅集在遷後之第六年。辛酉冬初也。越歲壬戌冬季，又遷於縣橋。距今已二十二年。回憶營堯圃於王洗馬巷所居之隙地，廣蒔花木，今屋已易主，且隙地皆營室，毫無疎散之趣。當時所圖，想維老樸臥柏紅椒，荷菊花芙蓉雞冠草木同腐，有深慨矣。原冊。

六日午校畢跋記。又屬張訥庵覆校之。十九日畢。二十五日，又跋之。記。

九月二十四日，見明鈔吳都文粹，再跋辛亥年所得校鈔本。二十七日，三跋。十月十一日，四跋。記。

冬，得顧秀雅藏鈔本珩璜新論。記。標按昭代名人尺牘小傳。嗣立字侯君，長洲人。康熙壬辰特賜進士，改庶吉士，所居秀野草堂。

冬十月十二日，先生及春樊葦間共集。吳玉松太守知魚樂軒，石琢堂未赴，分韻徵詩。獨學廬四稿。

仲冬月，跋影宋本銅壺漏箭制度準齋心製几漏圖式。又校宋舊鈔本孟東野集畢跋記。又跋新校

元本東坡樂府。時已將元刻歸他人矣。記。標按元刻初歸燕芸書，後歸海源閣，有兩家書目可證。今尙在楊氏也。

仲冬，長孫從坊間得舊鈔本絳雲樓書目手校一過。記。

冬至前三日、跋舊鈔本絳雲樓書目、記。

冬至後三日、跋校元舊鈔本國朝名臣事略、標按即春日所得淡生堂本以元刻校之。

四年、甲申、六十二歲。

初四日、跋校本封氏聞見記十卷、記續。按跋本藏月故列歲首。

上元後三日、以去冬所得顧秀野藏鈔本珩璜新論、校異同於甲戌年所得鈔本後、跋記、復跋秀野

本、後二月二十有七日、再跋、并題二絕句、記。標按跋中有云、余老矣、向有所見古書錄之輯、將所藏者爲正編、所見

見古書錄、自跋云、編殘簡斷、市希駿骨之來、墨散紙淪、覆謝豹斑之見、跋無年月、有竹汀跋、在乙卯夏五、則先生此書早成矣、標

又按東湖叢記卷一、記朱文公大同集云、吳門黃籀剛讀未見、書齋藏元刻朱文公大同集一卷云云、是先生藏書舊有書目、兼有

題解、惜今不

可得見也。

仲春、跋新校明鈔本李羣玉詩集、春分後一日、覆校訖、再跋、記。標按先生跋此書中有云、毛刻諸書、動輒與

藏本互異、即如八唐人集中、此本以意分體、統三

卷、及後集五卷、一例排比、硬分爲三卷、俾人不知就裏、好古者固當如是耶。



二月、新得元鈔本樂府新編陽春白雪十卷、跋之。檀書

原錄

春季、見周香嚴家殘宋刻禮記月令一篇、以癸丑年所跋校宋本禮記補校之、再跋於校本後、記。

孟夏、跋新從碧鳳坊顧氏、得影宋鈔十卷本、張說之文集。記。跋略云、相傳顧氏書雖殘鱗片甲、無一不精。

四月、先生命長孫美鑾、手校明刻本潛夫論。記。

四月、先生約潘功甫游龍樹積善諸禪舍、潘未果、有詩紀事、見功甫小集卷九。

四月二十三日、先生舉行問梅詩社第十五集。

原冊。先生詩敘云、時彭大吾岡折贈家闍紅豆花、予分贈三松、老人有詩爲答、得七言絕三首、因思向日王忘庵曾因東福僧贈花、爲

花寫影、并題詩答之、今三松已題詩、予不可不寫影、命三孫婦李慧生作畫、乞同人題之、體輿韻俱步三松、予敘事、共得四絕句、又詩自注云、李慧生寫紅豆花一冊、軸各自出新意爲之。

五月十有九日、命三孫美鎬、傳錄校宋舊鈔本孟東野集畢、跋記。記。

夏五望後三日、尤春樊先生舉行問梅詩社第十六集於延月舫、時重裝周忠介公遺像、同社各賦

題句、先生成七律一首。原冊。

夏至後三日、先生舉問梅詩社第十七集於琢堂先生家、先生成五古一首。原冊。按是集有張嵴塘

安古、次竹堂先生均詩。

六月二十四日。長洲吳玉松太守。雲。招先生并張詩塘至葑門外荷花塘觀荷。先生以荷花生日是

今朝。用轆轤體首唱四絕句。同人咸爲和之。

張詩塘大滌山房集

六月小盡日。跋手校舊鈔本韓君平詩集五卷本。錢考功詩集十卷本。

新秋。跋舊鈔本鼓櫓橐。

記。

七月二十六日。跋影宋本增廣聖宋高僧詩選。

記。

閏七月朔日。以十三洋得洪武刻元史節要張美和編二冊。又以十三洋得錢東湖鈔陶九成草莽私乘一冊。又以六洋四角得朱竹垞鈔美合集一冊。又以二洋得鈔本何太虛知非堂稿一冊。是日。

卽跋知非堂橐及草莽私乘後。

記。

閏月十三日。跋鈔本得月樓書目。

記。

九月大盡日。爲張芙川題八絕句於影寫金本蕭閒老人明秀集後。

記。

十二月校續宋中興編年通鑑。

記。

五年乙酉。六十三歲。

是年先生開滂喜園書籍鋪。襄事者爲懋堂老友。記。標按書籍舊在元妙觀西。有滂喜園售書價目帖。載在烏程范白舫鮑花笑廬雜筆中。海甯查燕崑光云。此書已刻。且白舫尙

有感事詩一卷。及先生詩及記事一則。標惜未見刻本。無從采入。

石琢堂邀先生及春樊輩同賞牡丹。獨學廬四稿

花朝前二日。校宋本王右丞詩集畢。跋記後一日。跋影鈔元本續宋中興編年資治通鑑後。三日月望。跋甲申殘歲所校宋本山谷詞。記。

夏日。元和朱酉生先生環。爲先生題宋槧本魚元機二絕。未寫入冊。至丙戌二月二日。補書。并其夫人高湘筠竹眉。兩絕句。皆書冊後。原冊。

孟夏月望日。跋新影寫宋刊本三歷撮要。記。標按原跋略云。數年來。隱賦盛傳于時。遂有按籍以求者。宋藹所存僅百一矣。

望後一日。新裝甲申秋從錢夢廬處得宋刻五十卷本黃山谷大全集畢。跋記。記。標按錢夢廬名天樹。字仲嘉。纂書雜記云。平湖

家夢廬翁天樹。爲嗜古籍。

六月十二日先生招同人爲山谷先生壽。石琢堂與焉。獨學廬四稿。標按石琢堂有七古一首。

七月、先生子桐叔篆題同人分題咸宜女郎詩冊彙編。原冊。

七月七日、先生爲桐叔邀集同時諸老。集縣橋小隱學耕堂。爲吟社第三集。題爲宋廩所藏唐女郎魚元機詩。不限體韻。與會者尤崧鎮、格、陸損之、束、彭蘊章、詠莪、朱綬、西生、陳彬華、小松、吳嘉淦。

清如、緒逢椿、仙根、孫義、墨子、和、沈秉鈺、式如、潘曾沂、功甫、吳根、壽雲、李一鳳、苞之、及先生孫壽鳳、桐叔美鎬、飲魚先生集集中句、成七絕八首、每首各注所指、其一、注七月七日第三次集同人題詠、其二、注吟社始於六月十二、再會於六月廿四、今會已入新秋數日矣、其三、注是會潘功甫未及入會、爲先有詩二、成在七月哉、生明日、其四、注近沈綺雲有唐宋三婦人集之刻、皆出自余家、爲魚集以宋板故、獨登百宋一廬賦、其五、注前會如南雅、晁香琴、涵以及木夫、竹友、疑訂字之誤、今皆爲京外官、其

六、注前會如壽階、蔚堂子仙嫩雲、今皆先後作古、其七、注此冊所貯錦囊、用洞庭山人鈕匪石所贈古錦以製、山人暮年落窶、餬口四方、故是冊反無隻字、其八、注予家百宋一廬中物、按圖索駿、幾爲一空、惟此、以予所鍾愛、得以守之勿失、此宋廩百一之珍也、子孫其世守之、勿爲豪家所奪、時先生已病苦、氣逆不順、未能構思、因集魚句、末記云、晨起、坐百宋一廬之北窗、是日、先生又成一記、書

於冊中曰。此上石章下銅鏡二者。皆得諸顧子鑑泉。初予欲購一長方印。鑑泉因取黃壽山石章相示。質頗佳。上有辟邪鈕。惜已鑄成文曰生來瘦。予雖不適用。然篆出於喬昱手。物以人重。留之以爲文玩可矣。至於銅鏡。本非所需。鑑泉云。是青銅鏡。鑑之可見真面目。亦遂留之。時予有琴川之行。蓋爲往弔陳君子準也。初一出門。初三歸家。三晝夜中。勞頓傷感。疲憊已極。偶憩滂喜園中。適有西城舊人過予門曰。主翁。今年七十五歲耶。予甚異其言。急問鏡曾磨否。兒輩應曰。磨矣。取而鑒之。形神瘦削。頓改舊容。意一生之肥瘠。亦何關於人事。而必有石章以爲先機之示兆。又有銅鏡以爲對面之參觀。始知一動一靜。悉本天然矣。或謂之曰。子此行才三日耳。有詩若干首。得毋苦吟而疲乎。予曰。疲有精神。何以肥爲。且曰。生來瘦。則疲者。生來之機也。予今年勳六十三歲耳。而外人以爲七十五。此一紀之壽。天假吾以年矣。夫何憂。按此記後。書壽鳳鈴印摹鏡美鎬書。先生又自題兩詩於上。

原冊

七月七日。先生自題魚集云。再集同人於宋廬。分題魚集。一切情事。並詳第二冊中。予戲集集中句廿四首。皆七言絕句。鳳兒補集二首。共得廿六首。持示同人。詫爲鉤心鬬角。客有德惠予者曰。子心思萬竅玲瓏。能更集二首。以成二十八宿羅心胸。可謂元精耿耿貫當中矣。予曰。特患無題。不患無詩。展卷見秋室學士詩集寫照。妙墨猶存。仙蹤已杳。回憶吉祥弄中。讀畫談詩。曾幾何時。不勝室邇

人遠之感。因集臚句成詩。卽錄于秋室札後。詩云。雪遠寒峯想玉姿。帶風楊柳認蛾眉。憶君心似西江水。鏡在鸞飛話向誰。

原冊。標按宋本魚元。繼集於丁酉春。見於長沙。蓋先生此書。於道光壬寅。歸上海徐紫珊。徐仁家。至咸豐時。徐氏不能守。轉歸長沙黃荷汀口。黃時爲蘇松兵備道。攜歸湘中。冊首有余秋室給元。機詩思圖。詩集作蝴蝶裝。首葉與末葉字體粗細精強不同。冊後題詞甚多。始陳雲伯。終徐紫珊。共二十一家。舊者堅持。幾翁千金不易之說。不可開價。錄各家題語歸之。

七月十日。先生病榻無聊。惟以宋雕魚集展閱銷閒。因仍集句成詩。有詩製題。前四首。敍當日雅集之意。兼及雅集三人。題旨在各首下。後六首。一敍宋塵觴詠之事。一敍魚集題詞之人。餘敍舊題之人。人各一詩。卽當懷舊之作。其一注座中秋賦白門者。其有八人。此集卽爲祖餞亦可。其二注席上探花。以爲諸君奪元之兆。其三注三孫以詩獲雋游庠。今科居然觀場。倘得擲地聲金。或冀仰天攀桂。予時作非分之想。其四注小松遭幽。壽雲高尚皆未赴試。其五注自道宋塵讌集之樂。其六注歸佩珊夫人詞意甚妙。三松女弟子也。爲予代求之。其七注南雅宦羈京闕。曾任雲南學差。乞假後旋赴補。言事鐫級。謫爲散仙。其八注方米遠館北行。又云。方米久已賦閒。今春就徐氏館。買舟北上。卽使明春得第。而年已及周甲。亦復何用。我輩故交。不勝惜別之心。其九注云。木夫久官湖南。近始歸隱練川矣。其十注春生因昆仲析居。從老屋遷此。與予同居處。

原冊。

七月十日之夜。風雨大作。先生夜眠不寐。仍集魚集句。遲明梳洗既畢。佛堂香火亦竣事。遂磨墨伸

紙隨臥時所製題爲之寫畢詩不錄其一注卷中先有女史曹貞秀題句有楞伽山人同觀款今墨槩已失耦而予近日又乞得昭文孫子瀟夫婦題句倘使墨槩見之定多傷感其二注沈綺雲墨槩夫人妹壻也曾覆刻此集甚精板歸松江古倪園今綺雲作古需此甚難或向其弟十峯求之問有得者其三注詠我功甫來歲俱上春官定看遍長安花矣蓬山伊邇芙蓉鏡下及第此二君也其四注予幼子桐叔及子仙令郎苞之一以壽鳳名一以一鳳名今春小試俱未售不勝鳳兮鳳兮之感其五注惕甫幼子予弟三壻也予嘗欲再會同人分題魚集并叔實應其選乃不及待而去秋病歿大抵年少風流誤入煙花之隊臨歿以嗣雅堂稿廿五冊授其繼室曹左芬左芬堅守不輕示人聞近已刊行矣其六注此絃昨夜風雨不寐光景爲總結又附跋語曰午後風稍息時露日光一力從山中來作道往展五峯墓并候山僧阻風雨宿庵中庵僧知予病特遣道人同孫家橋舊中打口花蓮蓬十隻貽予剝之色香味俱備可謂知情識趣之辛成和上矣秋清逸士手稿

七月中元前三日又跋是會期而未至者一人曹壻稼山也卽墨槩之姪并叔之表兄也故與予三兒尤稔胸中頗多蘊蓄時作長篇大文以發揮之近應賀方伯選經濟文編之聘就館薇垣其不來者想公事倥傯也家住城西之谿上去楓江不遠矣三兒補集一首因手書之

詩不錄

又跋曰此書曾爲藝芸主人指名相索予曰留此爲娛老之資雖千金不易也從此無有過而問焉者七月二十一

日海虞胡芭香

驗聲

爲先生寫鏡中影小照

魚元機詩思  
圖冊中原像

七月二十有六日得周香嚴舊藏殘宋本學齋估畢復跋於乙丑年校宋舊鈔本後

記標按此跋語云  
香嚴作古書多分散

兒孫有不愛此或并藉此先世寶藏聲名挾冊索重直獲利故肯贈人予亦重是故友物必勉力購之此時聊賦我欲聊盡我情耳安知我之兒孫不猶是耶後之視今亦猶今之視昔何獨於書

八月先生卒

標按大滌山房集有八月十八日彭詠莪邀遊石湖時義剛新逝卽席感賦次彭羣聞韻五古之作先生是年七月二十六日尙題殘宋本學齋估畢跋則先生歿當在乙酉八月十八日之前七月二十六日之後二十二日內

情無從考定也又獨學廬四稿云秋八月微示疾遂不起當易簀時神明不亂

潘西圃集卷一道光庚子曾有爲先生題問梅詩社圖詩時先生次子桐叔屬也西圃續集卷四題吳棣華問梅詩社長歌引曰吾吳問梅詩社舉自道光初始之者黃丈蕙圃彭丈葦間尤丈春燮余皆及見又卷四壬午爲先生元孫實甫望帖兄弟題先生鏡中影遺像如自題絕句之數並倣其體又曰先生嘗數至三松堂與先大父先公劇談不離文字結習而於宋槧書尤有酷嗜園中唱和詩卽以宋槧魚元機集爲題

又曰像爲老友胡芭香所寫近遇望帖得重展是冊望帖爲芭香孫岫雲塔實甫之從弟也又曰實甫持此冊來見其祖賦生余族姊塔也實甫兼祧祖飲魚余表姊塔也姊李定之爲子仙姑



丈之女。道光癸未，飲魚以春陰詩見賞於周石芳學使，賦未終卷，卽蒙取錄。

壬子浴佛日，呂祖誕日，同人爲尤榕疇七十先生幼子桐叔五十稱觴，董幼梨繪園林初夏讌集圖。

又曰：曹稼山王井叔皆先生戚好，高才不祿。按王井叔嘉祿嗣雅堂記存有偕婦弟黃桐叔至城北亡婦殯宮逃哀，是井叔爲先生婿也。冊中題詠諸君，皆

先生小友。彭文敬前身爲筆玉僧，功甫家兄，自言浮渡山羅蔓峯，是前生涅槃處。

屠蘇小艸庵詩鈔梅影軒圖爲黃飲魚表兄作，句云：憔悴青衫直到今。梅花林下少知音。飛來太白

樓頭月，照著平生感舊情。自注：太白樓，令祖墓圃先生舊藏書處也。

先生題元機詩思圖冊，敍曰：前此黃文節公生日，會於儀宋堂，荷花生日，立秋，會於小菱蘆館，今七

月七日，又會於縣橋小隱。標按此皆先生齋名。

先生所居，又有見復齋，見元機詩思冊同人題語。

叢書集成初編

黃義圃先生年譜

中華書局出版發行

(北京王府井大街三十六號)

秦皇島市資料印刷廠印刷  
一九八五年北京新一版  
開本：七八七乘一〇九二毫米三十二分之一  
統一書號：一七〇一八·一五一



